

宋

會

要

全唐文

駐一降八

宋會要

紹興三十二年六月二十三日

孝宗已卯位未改元

詔左奉議郎

通判通州趙不晦降兩官放罷坐虜騎渡淮首先逃遁

為本路提舉王珣所劾故有是命

二十六日詔福建

路轉運判官黃軺湖北路轉運判官韓之純並放罷皆

以臣僚論列故也

七月二十九日詔忠翊郎閤門祇

候權發遣濠州都遇降一官與宮祠以江淮宣撫使張

浚奏其性不䟽通凡本司行事不即稟承致歸正人各

生怨望故有是命

同日詔左武大夫御前右軍第十

將正將吳宏降一官令本軍自効坐擅尅軍糧不恤戰

士為都統制吳拱所劾故有是命 八月十六日詔測
西提點刑獄王越放罷以言者論其頃官嶺外恣意誅
求今在測西恣行慘酷故有是命 十七日詔權發遣
全州王蓋昌可放罷坐行賞稽緩致兵士聚眾作亂故
也 二十三日詔起居舍人兼國史院編修官洪邁均
州防禦使知閤門事兼客省四方館事幹辦皇城司張
綸並放罷以殿中侍御史張震論其奉使失指故也
十月二十八日詔知池州范滂知黎州李時雨並放罷
新知興國軍汪汝嘉新知吉州王昺並罷新任皆以殿
中侍御史張震論列故也孝宗隆興元年正月七日詔
知鎮江府方滋可放罷以言者論其附附權臣納賄求

進贖貨無厭故有是命 二月四日詔知仙井監趙不

弱放罷以本路憲臣馮時行劾其在任不法故也 十

三日詔太尉慶遠軍節度使主管殿前司公事成閔可

罷軍職除提舉萬壽觀尋有旨落太尉依前慶遠軍節

度使提舉台州崇道觀婺州居住先是御史中丞平次

膺論閔統戍京西公路所得犒設錢皆以歸已其在鄂

州減剋請給重困軍士暨為殿帥改易簿籍侵盜金銀

不可勝計惟務交通近習之行竄責右諫議大夫劉度

又言方逆亮誅斃虜衆遁逃閔提重兵至楚泗間名為

追襲其實護送怯懦縱敵使兩淮赤子係累失所方且

攘取采石俘執之虜冒為已功欺罔朝廷乞褫奪官爵

投之四裔。廼罷軍職。提舉萬壽觀。已而殿中侍御史胡沂上章數閔二十罪。乞明正典刑。於是落太尉仍舊節鉞。除在外宮觀。婺州居住。三月二十六日。詔左朝請大夫主管台州崇道觀張絃。特降一官。罷宮祠。今後不得與堂除。親民差遣。以殿中侍御史胡沂論其在家常藏匿盜賊。而分其財。屢經敗獲。難以復齒。縉紳故有是命。四月五日。詔中亮大夫忠州團練使王剛。特降兩官。坐治軍不職。散失軍器故也。十二日。詔知郴州王時邵。武軍通判王著。潭州通判王曉。並放罷。以殿中侍御史胡沂論其皆故相秦檜親黨故也。五月十六日。詔新知潭州劉章。新知南雄州廖遲。並放罷。皆以右諫

議大夫王大寶論列故也 二十七日詔新江西轉運

判官史正臣罷新任以侍御史王十朋論其操心傾險

賦性姦邪善觀時變以求進用故有是命 六月二日

詔廣西提點刑獄方師尹放罷新福建轉運副使樊光

遠罷新任皆以右諫議大夫王大寶論列故也 八日

詔特進觀文殿學士致仕沈該降授觀文殿學士依舊

致仕觀文殿學士提舉汀州太平興國宮朱倬除授資

政殿大學士依舊宮觀皆以右諫議大夫王大寶論其

貪污狼藉姦惡給著故也 十四日詔少傅樞密使都

督江淮東西路建康鎮江府江陰軍江池州屯駐軍馬

兼都督荆襄軍馬張浚特降授特進依前樞密使江淮

東西路宣撫節制建康鎮江府江陰軍江池州屯駐軍
馬左朝散大夫試尚書禮部侍郎充江淮都督府叅贊
軍事陳俊卿左朝議大夫充敷文閣待制都督府叅贊
軍事唐文若各特降兩官改差充江淮宣撫使司叅贊
軍事左朝散郎尚書戶部員外郎充江淮都督府叅議
官馮方左叅議郎直祕閣充江淮都督府叅議官查篇
各特降兩官改差充江淮宣撫使司叅議官招撫司機
宜尹機特勒停武安軍承宣使主管建康府駐劄御前
諸軍都統制職事准南京畿京東河北路招討副使邵
宏淵特降授武功大夫依舊職任皆以符離用師失律
故也 二十日詔太尉寧國軍節度使李顯忠可責授

清遠軍節度副使筠州安置尋責授果州團練副使潭
州安置以符離用師首先奔潰故也 二十六日詔尹
機送郴州編管以宣撫使張浚奏其用意懷私措置乖
謬大失士心以致離散故有是命 七月六日詔建康
府統制官忠翊郎周宏特追五官除名勒停送瓊州編
管殿前司統制官武德大夫左士淵降五官正侍大夫
和州防禦使張訓通武德大夫韋寶馬軍司統制官起
復武功大夫張師顏左武大夫果州團練使秦祐武功
大夫劉正寶池州統制官拱衛大夫果州團練使荔澤
建康府統制官武義大夫張淵各降四官殿前司統領
官武德郎李彥孚武功大夫王倫武德郎董安馬軍司

統制官起復武功大夫惠州刺史范旺池州統領官起
復武節郎趙思忠武德郎樊琪武經郎馮晟建康府統
領官武功大夫楊宣武功大夫王節武經大夫范卞武
功大夫和州防禦使孫善武功大夫李賽武功大夫貴
州刺史李平各特降三官並罷見任本軍自効其范卞
韶州王節靜江府並除名勒停編管敦武郎充都統節
制軍馬司照檢文字王進追五官勒停進義校尉隊將
俞超追三官勒停敦武郎親隨馬軍將言甄宏追三官
勒停王進道州俞超邵州甄宏郴州並編管皆以符離
用師首先奔潰從宣撫使張浚所奏也 十九日詔直
徽猷閣新除江東運判鍾世明落職放罷以言者論其

懷姙狗私臨事求免故也

八月三日詔新除樞密院

編修官李珂放罷以臣僚論其本無學術專務奔走權門故也 十一日詔左朝請大夫直顯謨閣林安宅右

朝請郎新除直祕閣仕盡言並罷宮祠內盡言除職指

揮更不施行以殿中侍御史周操論安宅被旨差知太

平州盡言知鎮江府二人以防秋在近詭避不行各求

宮觀遂其所欲致煩朝廷旋擇守臣故有是命 十二

日詔司農少卿楊僕依舊直顯謨閣主管洪州玉隆觀

任便居住以右正言陳良翰論其負傾邪之資恣貪冒

之欲平時過惡不可縷數故有是命 二十五日詔新

知宣州葛立方新知婺州丁翼明新知興國軍向澈並

罷新任依舊宮觀皆以臣僚論列故也

二十七日詔

左朝請郎前知藤州廖翮降兩官放罷坐克賊王宣嘯聚不能扞禦預先乘舟逃逸致賊衆入城焚燒公私舍宇故有是命 九月二十五日詔工部侍郎權給事中陳之淵與外任以臣僚論其遇事不明故也 十月六日詔知靜江府余良弼放罷以右正言陳良翰論其庸懦不職坐視克賊王宣等嘯聚不能措置招捕故有是命 十一月五日詔慶遠軍節度使成閔可降授安德軍承宣使依前提舉台州崇道觀婺州居住坐前在鎮江盜用官錢賊汚狼藉法寺鞠勘得實故有是命 九日詔右宣毅郎盧冲賢可特降授右承奉郎除名勒停

枷項送郴州編管坐將命失指故也 十二月詔敷文閣待制知廣州李如崗放罷以言者論列故也 二年正月十一日詔大理卿李洪知常州郭契敷並放罷皆以言者論列故也 二十一日詔修武郎閣門祇候權東南第十一副將李宏特追三官勒停坐統押摧鋒軍討捕克賊王宣輕敵寡謀反為賊執僅能脫身而歸為廣西帥憲所劾故有是命 二月六日詔江西轉運副使魏安行放罷今後不得與監司差遣以臣僚言其誕謾有素貪欲無恥故也 三月六日詔右朝請郎致仕張祁復直祕閣指揮更不施行以臣僚論其兄邵久留虜庭速歸而妻已物故邵每對賓客備言不弟之狀寃

憤刻骨故有是命 十三日詔新知資州王椿新知荆
門軍馮榮叔新知蘄州傳寧並罷新任皆以臣僚論列
故也 十四日詔新知建寧府劉度放罷以臣僚論列
故也 二十八日詔太府少卿充都督府叅議官馮方
可放罷以言者論其輕率招權故也 四月六日詔提
舉兩浙市舶王端朝放罷坐申朝廷乞依監司事体言
者論其輕侮朝廷不安分守故也 十二日權禮部侍
郎黃中放罷以右正言尹穡論列故也 五月三日詔
武功大夫忠州團練使新權發遣濠州劉光時勒停徽
州居住尋有旨送都督府自効坐託病不即之任為淮
西宣諭使王之望所劾故有是命 十七日詔成州團

練使添差江南西路馬步軍副都總管隆興府駐防邵
宏淵責授靖州團練副使南安軍安置以浙西宣諭使
王之望劾其向在建康侵盜官錢賄狼藉妄以私意
陞補軍職自統制以下至押隊官計三百六十餘員舉
措任情畧無忌憚故有是命 同日詔建武軍承宣使
新福建路都總管韋玘降一官放罷潭州居住坐被受
差遣違限不朝辭朝辭既畢復入國門臨安府覺察以
聞故有是命 六月八日詔知梁山軍龐信孺令衡州
居住日下出門以言者論其前倖施州侵盜官物不知
紀極嘗追三官勒停永不收敘今輒赴省部陳乞改正
儻再綴仕版何以示懲故有是命 二十三日詔尚書

度支員外郎韓元吉放罷以淮西宣諭使王之望勅其
向為宣諭司參議官招權妄作故也 七月二日詔廣
東提刑周楙放罷今後不得與監司差遣以殿中侍御
史尹穡論其憑恃使權肆為汙墨嘗獻羨餘十五萬貫
指揮既下全未及數旋行剗削諸州贓罰錢荷項囚禁
者填滿于獄故有是命 十四日詔新淮東提舉監事
俞召虎與宮觀自今後不得與監司郡守差遣尋有旨
特勒傳送袁州羈管先是淮東宣諭使錢端禮勅其頃
知秀州妄支官錢侵盜入已于是罷新任與宮觀已而
召虎進狀自辯復為言者論列遂特勒傳送袁州羈管
十九日詔左中奉大夫直敷文閣陳漢落職罷宮觀

今後永不得與監司郡守差遣以左諫議大夫王之望
論列故也 二十七日詔端明殿學士左中大夫提舉
江州太平興國宮洪遵可落端明殿學士手詔朕將用
遵先以五事為戒遵既親書應詔故推樞庭歷年以來
未嘗以公任責徒為患失且遂身謀故有是命 八月
七日詔知興化軍劉韞放罷以言者論列故也 十三
日詔提舉淮南東路常平茶鹽公事陳扁放罷以右正
言晁公武論其頃知信州為政酷虐故也 十五日詔
淮西運判劉敏士放罷以右諫議大夫王之望論其昏
譟故也 二十三日詔新知泉州徐度罷新任以臣僚
論列故也 九月七日詔改添差通判隆興府韓玉特

勒停送郴州羈管以言者論其公肆慢言無所忌憚被
命之後不肯之任徘徊江上意若不滿故有是命 十
月三日詔右朝請大夫馮榮叔罷主管台州崇道觀以
侍御史尹穡論其頃嘗典郡賦污不法攘奪民田故也
四日左朝奉郎敷文閣待制知建康府張孝祥落職
放罷以待御史尹穡論其出入張浚湯思退之門反復
不靖故也 七日詔武德郎左軍統領權知秦州統制
沿邊忠義軍馬張舜忠追十五官籍沒家產勒令前去
軍前自効坐與北方偽官姜挺范彥通等通書從經畧
使吳拱所劾故也 十一月十三日詔知盱眙軍郭淑
可特勒停送靜江府編管知濠州孔福可削奪官職白

身自効皆坐虜騎渡淮望風逃遁故也 二十六日詔

大理評事張鎡放罷少卿謝如圭展二年磨勘坐定斷

唐三四案前後異同故也 同日詔知臨安府黃仁榮

放罷坐盜賊累限不獲故也 二十八日詔安慶軍節

度使捧日天武四廂都指揮使鎮江府駐劄御前諸軍

都統制兼淮南東路招撫使節制本路軍馬劉寶可落

節鉞特授武泰軍承宣使依前職保平軍節度使龍神

衛四廂都指揮使建康府駐劄御前諸軍統制兼淮南

西路招撫使節制本路軍馬王彥可落龍神衛四廂都

指揮使三省樞密院言兩淮守備專任劉寶王彥累降

御筆非不丁實乃以會兵為名輒棄楚州彥以保守江

面為辭擅離昭關為退避之計故有是命 閏十一月
五日詔知湖州鄭作肅與宮觀已差下陳輝別與閑慢
州郡以右正言王逵論作肅治郡無狀輝近日尹京多
行怪政傳笑四方故有是命 二十八日詔右朝請大
夫直祕閣提舉淮東路常平茶鹽公事向洵可特降兩
官以洵乘軍事之際託出巡為名擅離置司所月餘故
也 十二月二日詔安遠軍承宣使捧日天武四廂都
指揮使階文龍州經畧使兼知階州軍州事吳拱可降
授郢州防禦使坐虜騎侵犯怯懦不前從招討使吳璘
所劾也 十二日詔大理正鞏衍新授諸王宮大小學
教授鮑同並放罷以殿中侍御史唐堯封論列故也

乾道元年正月七日詔知廬州韓璉勒停送賀州編管以虜兵未至璉先遁逃故也 二十二日詔知紹興府徐嘉知會稽縣錢宥知山陰縣時康祖並放罷皆以坐視飢民死亡全無措置故也 二十三日詔主管成都府利州等路茶事兼權提舉秦司茶事買馬監牧公事續威可放罷坐馬政不修故也 二十四日詔降授武泰軍承宣使捧日天武四廂都指揮使劉寶可責授果州團練副使瓊州安置坐虜騎渡淮望風逃遁故也 三月四日詔權戶部侍郎朱夏卿放罷以殿中侍御史章服論其交結貴近蹤跡詭秘故也 二十日詔右中大夫石文殿修撰前知楊州向子固特降三官落職罷

宮祠坐侵盜官錢贓累鉅萬法寺鞠劾得實故有是命
二十四日詔廣德軍朱友聞新知徽州俞畢並放罷
皆以殿中侍御史章服論列故也 四月八日詔右奉
直大夫利州路轉運判官張澤特降兩官放罷坐奏事
失實故也 十八日詔新江東路轉運副使趙渙放罷
以殿中侍御史章服論其貪婪無厭凡三任監司三遭
論列故也 五月一日詔修武郎知萬安軍陳珍放罷
今後勿與堂除差遣以言者論其本泉南舟師應募防
拓補下班祇應既而以貨賂干託累官至大使臣今遞
除軍壘中外駭笑謂自来無以稍工守土者乞亟賜寢
罷故有是命 八日詔武經大夫東南第十一副將宋

迪特勒停送權鋒軍自劾以廣東經畧安撫司言遣迪
捕賊遷延不行故也 十二日詔大理寺丞江瑋放罷
以右正言程叔達論列故也 同日詔太常丞李處全
放罷宗正寺主簿荆尹與宮祠以右正言程叔達論處
全醜穢之跡為縉紳士夫之所恥笑尹未歷考任偶因
召對改秩遽除宗簿太為超躐故有是命 十八日詔
新浙東提舉劉祖禮新知贛州周石新知南劍州潘革
並放罷以殿中侍御史章服論祖禮革皆貪鄙石媚事
秦檜叨居郎省故有是命 六月一日詔左承議郎太
府寺丞兼權兵部郎官鄒樸降兩官放罷筠州居住以
言者論樸令人買物多不償直有親事官因貼陪太多

遂竊標俸未逸去標追捕其真黨勒令代償其人貧不能償畏標兇暴與其母對泣相恃赴河而死故有是命

十四日左朝請大夫淮南路轉運判官姚岳特降官放罷以右正言程叔達論其妄申淮西蝗虫抱草木而死欲以姦諛悅上意故有是命 十五日詔知撫州陳森放罷坐用刑慘酷為言者論列故也 十六日詔給事中王時外放罷 以殿中侍御史章服論列故也

二十四日詔右朝散大夫通判婺州曾迪追一官勒停以言者論其暫得郎事重叠冒請及多差桀卒營葺私第故有是命 七月三日詔知池州魯訐放罷以言者論其妄言本州管下竹生穗實如米以妖為瑞故有是

命五日詔左朝請大夫知郴州虞翔右承議郎權發遣桂陽軍兼東彞各特降三官放罷今後不得與堂除差遣以本路提舉鄭丙劾翔身為守臣不能撫靖一方致使李金賊徒竄發東彞張皇賊勢棄城逃遁故有是命十二日詔右朝奉大夫荆湖南路提點刑獄公事周自強特降三官前降召赴行在指揮更不施行坐申湖南盜賊不實故也十六日詔禮部尚書王大寶放罷依舊敷文閣直學士提舉江州太平興國宮以右正言程叔達論列故也二十七日詔捧日天武四廂都指揮使寧武軍承宣使主管步軍司公事戚方可落軍職以殿中侍御史章服論其發遣忠勇軍人措置乖方

致有竄逐故也 八月三日詔中書舍人閻安中可罷
見任汀州居住以右正言程叔達論其議論反覆故也
八日詔浙東提舉茶鹽高敏言放罷坐鹽課虧陷故
也 十月十五日詔大理評事單夔特展二年磨勘坐
駁勘龔嶠刑名具奏稽滯故也 十一月一日詔武顯
郎侍衛馬軍司遊奕軍權統制權知廬州張師顏特降
一官坐身任邊寄不務撫綏惟務苞苴結託貴近故有
是命 十六日詔左朝請大夫知蘄州史祺孫放罷坐
先中黃梅知縣向瀟百事廢弛乞與歛廟已如其請繼
而乞與終任前後異同故有是命 二十三日詔大理
寺丞楊允明放罷以言者論列故也 十二月二十一

日詔右中奉大夫權刑部侍郎王弗可放罷右朝請大夫守大理少卿陳良翰可降一官放罷右朝散郎尚書刑部員外郎劉敏求左朝奉郎大理正吳交如右通直郎大理寺丞元徽之右承議郎大理評事潘景珪各特降一官皆以定斷陸知微等三人罪不當故也 二年正月十一日詔權兵部侍郎劉儀鳳放罷以殿中侍御史張之綱論其不恤事故也 二十三日詔前提舉廣南市舶劉景罷差知南雄州坐未離市舶結託蕃商使之進狀攀留故有是命 二月三日詔監察御史劉貢放罷日下出門坐縱容術人干求差遣故也 三月四日詔新除吏部郎中范成大放罷以言者論其巧官幸

進物論不平故也

同日詔左朝請大夫秘閣修撰提

舉台州崇道觀丁燁明罷召赴行在朝散大夫主管台

州崇道觀林衡罷除直敷文閣以言者論燁明以秦檜

之黨叨居侍從衡媚事曹泳靡所不至故有是命 二

十八日詔分差糧料院洪述秘書省正字施元之知直

州余執度荆湖北路叅議官張楹並放罷以言者論其

皆宰臣洪适親黨故也 四月十三日詔敷文閣待制

孫覲落職以殿中侍御史王伯庠論覲在宣和間被遇

徽宗皇帝浸階通顯欽宗皇帝擢授中書舍人蒙恩最

厚及京城失守車駕出城覲于是時不能盡主辱臣死

之節乃背恩賣國取媚虜酋撫其事實臣子所不忍言

太上皇帝擴天地覆載之恩杖拭收用位至尚書授以
方面而觀天資小人不能自改又以贓罪除名勒停竄
斥嶺外遇赦放還累經敘復不帶左字為親者自當屏
跡人間豈敢復施顏面見士大夫而蠅營狗媚攀援進
取既復修撰又復待制如觀之背君賣國不忠不義而
處以待從可乎乞降睿旨將觀落職遠貶以為人臣不
忠不義之戒故有是命 十八日詔靜府府張孝祥知
饒州蔣天祐並放罷新知嚴州韓彥古特與宮觀差遣
今日下出門不得于臨安府居住以殿中侍御史王伯
庠論孝祥專事進寔天祐在任貪污彥古克悍險詐逞
恃唇吻妄議人物居家不檢恣橫悖理故有是命 三

十日詔新除太府寺丞潘景珪放罷以言者論其未嘗
更歷外任遞丞泉府太為超躐故有是命 五月一日
詔右迪功郎新差充江南東路提舉常平司幹辦公事
程浚特降一資罷新任以浚身為令官積年不納官賦
從知饒州俞翊之劾也 八日詔左中大夫資政殿學
士提舉臨安府洞霄宮葉顒落職以右諫議大夫林安
宅論列故也 十六日詔武翼大夫建康府兵馬都監
兼在城巡檢巡捉私茶鹽蔡祁師閔可特降兩官勒停
坐身為兵官不遵帥臣約束為知建康府王佐所劾故
有是命 十八日詔知嘉州呂遊問新知劔州何槃新
知眉州康俊明並放罷永不得知州軍差遣以待御史

王伯庠論游問貪殘不法千里被害渠何桌之弟素無
行檢知渠州盜官錢以數萬緡俊明昨知渠州荒放燕
飲百事弛廢故有是命 同日詔右奉議郎知太平州
繁昌縣魏堯臣特降一官罷新任坐居鄉里不納官賦
從戶部所劾也 二十五日詔閤門祇候陳龜年罷閤
職仍永不得充閤門職事以言者論其母死不即解官
乃具公狀中閤門稱母兩經改嫁已為義絕不當恃服
悖害名教故有是命 二十八日詔右朝請郎權知台
州黃然降兩官左承直郎處州推官權州事高志特降
一資放罷各以編管人擅離本州故也 六月五日詔
右朝議大夫直敷文閣知廣州陳輝落職放罷以言者

論其侵盜官錢不知紀極奢侈不法罪惡貫盈故有是命 八日詔右中奉大夫戶部侍郎李若川降兩官放罷坐職事不舉故也 同日詔新知廣州向伯奮放罷以言者論其累任監司皆無廉聲故也 二十五日詔翊衛大夫和州防禦使湖州兵馬鈐轄殿前司左翼軍統制泉州等處屯駐專一措置盜賊高溫特降授親衛大夫果州團練使以三省樞密院言其坐視海賊入湖州界虜掠逗遛不前妄稱本軍戰船損壞故有是命 二十六日詔武功大夫忠州刺史兼閬門宣贊舍人淮東總管宋肇階官上降兩官坐透漏私擅渡淮人妄有申述故也 七月四日詔右朝請大夫直徽猷閣知鎮

江府呂摧降一官坐承勅朝廷降下公事違慢故也
十一日詔新授國子正王質放罷永不得行在差遣以
言者論其為張浚幕屬密疏浚之過以媚湯思退思退
喜其附己又畏其傾險以學官處之言論反覆行若駟
僮政有是命 十八日詔知峽州呂令問降兩官鄂州
居住坐夷陵知縣韓費冒贓污不法令問不能舉劾縱
其尋醫而去故有是命 二十五日詔戶部侍郎方滋
放罷以言者論其專權倨傲徇私害公諸處起發和糴
米例不支水腳錢滋寄居秀州獨欲支秀州者故有是
命 八月二十三日詔新知嘉州何慈放罷以四川安
撫制置使汪應辰劾其先知果州嘗以贓敗故也 九

月五日詔左武大夫前荆南左軍統制周贊特降一官
坐不開落逃亡歿故軍額為都統制王宣所劾故有是
命 六日詔左朝奉大夫知建康軍府王佐特追兩官
勒停建昌軍居住坐上元知縣李允升犯賊不能舉劾
縱其尋醫而去故有是命 同日詔觀文殿學士左通
議大夫知鄂州汪澈特降兩官坐嘗應詔薦舉李允升
坐縣不當故也 七日詔敘武經郎御前中軍統領權
主管本軍統制韓霖特降兩官坐制造器械十無一二
欺罔主帥有誤軍事為都統劉源所劾故有是命 十
四日詔祕書丞鄭升之放罷以殿中侍御史單時論列
故也 十月十四日詔大理寺丞沈正度太學博士劉

溥並放罷皆以殿中侍御史單時論列故也 十一月

十一日詔右朝散大夫提舉兩浙西路常平茶鹽公事
劉敏求降兩官顯謨閣直學士左朝請大夫知平江軍
府事沈介降一官坐敏求前知鄂州勘將官王益事不
當介以本路制置使連坐故有是命 十三日詔右司
員外郎苗昌言放罷以言者論列故也 十七日詔金
部員外郎呂播放罷以言者論列故也 十二月十三
日詔夔州提點刑獄李邦猷知恭州孫顓並放罷以殿
中侍御史單時論顓貪利無耻邦猷邦彥之弟習尚浮
靡屢作監司皆無廉聲故有是命 三年正月五日詔
右朝奉郎主管台州崇道觀韓元龍降一官停見任官

觀坐前任淮東總領失拘催錢糧故也 十一日詔新
除權刑部侍郎劉敏求放罷以言者論列故也 十四
日詔武德大夫侍衛步軍司武鋒軍統制官錢卓特降
三官坐真州六合遺火不措置救撲故也 二十一日
詔樞密院編修官鄭昺放罷以林安宅論列萊顓不實
皆昺唱導之故有是命 二月十三日詔知婺州趙不
猷特降兩官放罷汀州居住坐城中遺火兵士來間割
劫民財不猷專務姑息不能彈壓為言者論列故有是
命 同日詔戶部郎官姚岳兵部郎官孫大雅並放罷
皆以言者論列故也 三月十九日詔知温州劉孝建
放罷以浙東提舉宋藻劾其不能收葬被水死之人使

遺骸暴路故也

五月十三日詔顯謨閣直學士降授

左朝散大夫沈介降一官放罷坐先知平江虧欠總司

日椿錢為總領韓彥直所劾故有是命 十五日詔京

西轉運判官韓曉放罷以言者論列故也 二十六日

詔新知黎州馮渥新知筠州李恭新知無為軍王時並

放罷皆以言者論列故也 六月三日詔石朝散大夫

直祕閣前知太平州王鉅降兩官坐蕪湖縣令張文昌

以所得職祖不除豁災傷分數盡行支請有失覺察故

有是命 十九日詔石武大夫殿前司右軍統制路海

武功大夫惠州刺史統領宋界武畧大夫英州刺史趙

開武功大夫步軍司右軍統制崔憲政武功大夫步軍

司中軍統制鄭彥各特降一官坐不覺察本司軍人解沂張享作過故也 七月十一日詔成全郎入內看醫

杜揖除名勒停送瓊州編管翰林醫診御脉郭良降兩官送興國軍編管翰林醫診入內宿秦鑄降兩官送處州編管皆以供應莊文太子湯藥無効故也 閏七月二十二日詔武當軍節度使捧日天武四廂都指揮使鎮江府駐劄御前諸軍都統制戚方落職節鉞信州居住尋責授果州團練使潭州安置以右諫議大夫陳良祐論其刻剥士卒躋貨無厭軍人日納大槩百金正得六十衆口嗷嗷公肆謗罵兼其恣性克暴濟以殘虐肆為盜賊之行恬不悛改乞流放竄殛以慰將士之心

故有是命 二十五日詔浙東提點刑獄公事柳大節
放罷以言者論其士行不檢故也 二十八日詔武大
夫利州駐劄御前中軍統制郭訢降一官還任坐奏劄
所具軍馬數目失實故也 八月三日詔內侍寄資武
功郎陳瑤特免追毀出身以來文字除名勒停脊杖二
十不刺面配循州收管內侍寄資武功郎李宗回特追
出身以來文字除名勒停送均州編管武節郎馬軍司
統領官權御前馬院王德政特追兩官勒停忠翊郎閻
門祇候監右驂驥院馮慶之特降兩官落閤職放罷並
展三期敘降授承節郎編管台州未該放還陳亢特勒
停移送撫州編管仍展三期敘以瑤宗回廣受管庫賄

賂德政等行用芑直結託事發送法寺鞫實特有是命

八日詔鎮江府駐劄御前右軍統制李真放罷坐隱落本軍官錢主帥体究得實特有此命 十日詔左朝

請郎直祕閣知徽州李南壽降一官放罷以言者論列

故也 十五日詔知漳州府張行成放罷以本路憲臣

劾其殘酷任情肆為不法故也 同日詔廣西運判朱

玘放罷以言者論列故也 九月十七日詔差知泰州

韓彥古罷新任以言者論其不曉民事使之為郡必致

害民故也 同日詔都官王覆放罷以言者論其嘗為

秦檜引用故也 十九日詔新除祕書丞程宏遠太常

丞昌永並放罷皆以言者論列故也 二十四日詔叢

路漕臣周允升放罷以右諫議大夫陳良祐論其誅求橫歛以獻羨餘故也 二十八日詔宗正寺丞劉大辨放罷以言者論列故也 十月六日詔前大理少卿左朝奉郎充集英殿修撰知邵州吳交如前大理丞右朝散郎知梧州江璆各特降一官皆坐斷陸璉事不當故也於是承信郎都轄使臣胥介承信郎職級沈舜臣進武副尉推司魏守忠各降兩官資 十五日詔右宣義郎王槐孫特追三官勒停送常德府編管今所在州軍差人管押前去坐前任總司屬官將親戚附諸軍狀冒濫補官為四川宣撫使虞允文所劾故有此命 十二月十五日詔武節大夫東南第五將侍衛步軍司前軍

統領常進特降兩官放罷坐將逃亡事故軍額不即申明擅自招填故也 四年正月九日詔湖南轉運判官祝閔放罷以言者論列故也 十五日詔武經大夫鎮江府駐劄御前左軍統制張宣特追五官勒停坐違法役使入隊甲士將舊管軍器妄言收買物料製造虛破官錢為主帥所劾故有是命 二十九日詔新除大理正李端反放罷以言者論列故也 四月一日詔主管侍衛馬軍司李舜舉降一官坐不支馬料錢故也 同日詔新除大學正錢著放罷以言者論列故也 十三日詔新知袁州陳楠放罷新任與官祠以右諫議大夫陳良祐言其頃知池陽嘗以貪墨敗官故也 十五日

詔左通直郎直敷文閣權發遣和州胡昉右承事郎權發遣無為軍孫叔豹各降一官坐陳請淮西利害所申多有異同故也 二十三日詔武翼大夫興元府駐劄御前中軍第一將副將自劾南恩特追三官勒停依舊自劾坐行賂請囑冒充金州都統司提舉官職事隱匿過犯有害軍政為四川宣撫使虞允文所劾故有是命 五月四日詔右承議郎懷安軍簽判權知邛州馮覺降三官放罷坐本州飢民嘯聚不能賑濟故也 十一日詔攝光祿卿左朝奉大夫太常少卿王淪攝太官令右承議郎太常寺主簿汪作礪各特降一官坐朔祭太廟別廟室內闕少祭器有失點閱為監察御史李簡能

所劾故也

二十四日詔湖北轉運判官王次張放罷

以言者論其積貨營私故也

七月十四日詔馬軍司

統制官武功大夫閔青張俊正將武功大夫王成孫萬
敦武郎雷世方武翼郎王汝弼各特降一官部將武畧
大夫孫明武經郎梅青武翼郎吳宣從義郎吳興忠翊
郎薛進成忠郎許德隊將武義大夫毛貴武經郎王立
東義郎常達孫進敦武郎王規弋順從義郎李德忠訓
郎李受保義郎張義承信郎王吉進武校尉胡吉進義
校尉周俊各特降兩官資坐不覺察本軍効用楊皋特
互相結合持杖強盜法事鞠實來上故有是命 十九
日詔國子監主簿沈文放罷以侍御史單時論其寄居

宜興干與縣政故也 八月八日詔武畧大夫充荆湖南路安撫司副都總管王恭降一官放罷以帥臣沈介劾其醉酒無禮故也 十四日詔右武大夫榮州刺史帶御器械殿前司護理步軍統制左祐降一官坐昨陳獻石梁河利便不實故也 十六日詔左承議郎提舉江東常平李庚特降兩官放罷右朝散郎知信州趙帥嚴右朝奉郎通判信州李桐各特降兩官今後不得與堂除差遣以庚等所申常平米數隱庇虛妄故也 十八日詔武康軍承宣使主管殿前司公事王琪特降授果州團練使放罷坐傳旨不實擅工役故也 十月三日詔右宣教郎知綿州巴西縣丞程敦本特降一官坐

陳乞磨勘隱匿丁憂月日故也 十一月十七日詔東

義郎閭門祇候兩浙東路兵馬鈐轄張德明特追毀出

身以來文字除名勒停送隆興府編管坐因差充賀金

國正旦副使授馮嗣宗等賄賂請囑差撥入國事發法

寺鞠勘得實故有是命 二十二日詔龍神衛四廂都

指揮使寧國軍承宣使池州駐劄御前諸軍統制制時

俊特落軍職坐收刺守闕効用不俟總司差官審驗擅

自刺填為總領葉衡所劾故也 二十三日詔國子錄

鄭汝諧大學士沈清臣並放罷以言者論其更相詆訾

口語藉藉不可以模範多士故也 十二月九日詔武

翼大夫改差東南第五副將建康府駐劄李澤放罷坐

縱容白直兵士與軍中市巡人元相毆打為帥臣史正志所劾故有是命 十二日鄂州駐劄御前左軍統制武功大夫兼閤門宣贊舍人游阜特降兩官放罷坐侵盜本軍錢糧為主帥趙樽所劾故有是命 五年正月二十七日詔知復州馮至游知永州劉長福並放罷皆以殿中侍御史徐良能論其貪污無耻郡事不理故也 二十八日詔武節郎閤門祇候藍企追兩官勒停仍特落閤職坐酒醉刃傷開河人夫故也 二十九日詔提舉福建常平茶事李元老放罷以侍御史單時論其貪污不法故也 二月二十七日詔利州防禦使興州駐劄御前諸軍都統制任天錫責授忠州團練副使坐

在軍侵用官錢數萬為四川宣撫使虞允文所劾故也

五月五日詔右通直郎大理寺丞梁珩降一官放罷以臣僚論其挾邪不正故也 八月十八日詔淮東提

舉李孟堅放罷坐知秀州日妄費官錢為臣僚論列故也 九月四日詔新差充江南西路叅議官林一鳴放罷以臣僚論其係故相秦檜私黨與其弟一飛皆憑恃權勢凌轢善良故有是命 十一日詔新知峽州郭大任江東提刑藍師稷都大四川茶馬趙不拙並放罷以殿中侍御史徐良能論大任知袁州日事飲宴殊不事事師稷昔守撫州侵漁公帑掊歛民財不拙素無行檢以娼為妻故有是命 十四日詔知錢塘縣孫聽特放

罷坐追擾人戶預借二稅從臣所劾故也 十一月

七日詔資政殿大學士左中大夫知温州王之望特降
一官左朝請大夫充集英殿修撰知台州陳巖肖落職
放罷各坐本州水災不即聞奏故也 八日詔右朝散
大夫直祕閣權發遣兩浙路計度轉運副使劉敏求右
朝奉大夫直祕閣權兩浙路轉運判官姚憲各特降兩
官依前直祕閣並差遣如故坐溫台水災守臣不以時
奏而二人身為監司不能按舉故有是命 十五日詔
新除江南東路提舉常平茶鹽公事宋藻新差充福建
路參議官陳知柔並放罷以臣僚論藻貪饕亡耻知柔
賦性乖僻故也 同日詔資政殿大學士左中大夫知

温州王之望放罷以言者論其專為身謀不恤百姓坐視火災如越人視秦人之肥瘠治第台城舍屋間架之類一切取辦于溫巨艦相屬浮海而歸私心一縱其欲無厭甚至縱捕酒以殘善良之家嚴緝稅以奪商旅之貨剝膚推體酷虐日甚永嘉之民無所措其手足疾視之望有如寇讐故有是命 十二月十一日詔宗正寺主簿林同司農寺主簿曾覺樞密院檢詳諸房文字張敦實並放罷皆以臣僚論列故也 十四日詔武經大夫邛蜀雅黎州都巡檢湯涓降一官放罷坐在任將捕獲賊人擅自誅殺為本路憲臣奏劾故有是命 二十九日詔左宣教郎守左司諫施元之朝請郎守起居郎

林機並放罷以二人身居出納言責之地朋比相通故
有是命 真宗咸平三年四月十日詔諸州行軍司馬
節度防禦團練副使別駕長史司馬司士文學參軍除
特許簽書州事外不得掌事 六年七月十五日詔臣
僚坐事配流廣南亡殍者並許歸葬仍給緡錢如同行
親族年小可選牙校部送歸本家訖奏時化州奏前比
部員外郎直史館洪湛除名流儋州遇赦量移至祥州
調馬嶺卒一子年幼特許歸塋官給防援因有是詔
九月九日詔自今追官人勿兼降階勲大中祥符二年
正月二十四日詔左降官遇恩不該遷轉者增俸給節
度行軍副使月三千防團副使至叅軍月二千是歲封

禪帝語宰臣曰廣南福建荆湖兩浙配流安置人曾任
職官者昨經大恩當各甄錄或遷善地勿令不霑慶澤
自以為無用永棄之人也王旦曰此等人無贓罪者皆
已敘用有贓及元犯重者亦令遷秩及量移不爾則增
俸無不霑恩者 天禧二年六月八日詔曰諸州文學
叅軍司馬別駕等向虧廉慎自冒典獎黜諫方州屢遷
散地別邱園而斯久更歲月以滋多深軫于哀俾推恩
制自今貶降經十年以上者許所在出給公驗放令歸
鄉願仍舊者亦聽如放歸後不慎行藏干擾州縣並奏
裁 三年五月二日詔應見任文學叅軍上佐等官有
犯合追官並追歷任中高官如歷任官卑及無正官即

追見任責降官如合安置即奏取進止先是有文學叅
軍上佐犯罪追奪者止追見任官歷任雖有高官不復
追取法寺以為未允故條約之 四年十月十三日殿
中侍御史王耿言諸州軍負罪安置人雖遇量移亦不
離本處蓋緣失官之後恣營生計不革貪心侵擾貧民
規求貨利或恃州縣公事長吏稍懦則不能制深為民
患請自今委本處常切覺察如侵擾官事欺抑民庶即
奏移他所長吏非時不得接見從之 仁宗天聖八年
二月八日詔今後外任官僚因公事衝替者仰疾速差
人交替離任 慶曆五年十一月十一日詔尚書刑部
應貶官人經恩敘授諸處行軍司馬上佐官司士文學

參軍願不之任者聽之 皇祐三年七月十七日帝謂
輔臣曰天下長吏之不職者監司未嘗按察以聞且長
吏生民之性命所繫豈可容眊昏罷庸之人以汨吾治
哉宜擇甚者罷之其餘易以散地自是罷去及他徙者
凡十六人也 五年八月十八日天章閣待制知諫院
李兌言自來在京臣僚因事責授外任亦依例朝辭往
彼遷延輦轂之下或進封章妄論他事或求上殿巧飾
已非上瀆聖聽頗虧臣節若不禁止漸恐成風欲乞令
後責授外任差遣者並放辭謝量給日限須得起發如
違令御史臺彈奏詔今後被責出外臣僚辭謝臨時取
旨至和二年六月十九日詔今後曾經省府推判官及

轉運提刑差遣因犯罪降黜所有後來合入差遣並與
堂除 七月二十一日知制誥劉敞言伏見故事遷官
降官皆特有誥命前年因言事黜御史吳中復其時蔡
襄當草制封還詞頭執政耻為所沮遂專用勅牒降官
甚非故事然有司不能發明近日龍圖閣直學士任顗
落職復旦降勅牒劄子因循習熟遂成近例事出一時
非政體也欲乞今後除改命令並須遵用故事故事合
用誥詞者不宜單降勅劄務存舊法有所沮勸詔今後
責降官並依故事降誥勅 神宗元豐三年四月二十
八日御史何正臣言諸監司即守体量官吏不待考實
多先乞替罷刺舉之際豈能無失其間好惡不公喜怒

以意者往往而有乞自今体量官吏有贓狀已明不可
留本任者取旨先替罷餘委別司考察或俟結正施行
詔送詳定重修編勅所 六年十月十一日詔宰臣執
政官因罪降黜守本官以下應緣前兩府恩例止依本
官候有遷除職名即依舊例 哲宗紹聖元年七月十
九日詔曰送往事居是必責全於臣子藏怨宿怨豈宜
上及于君親朕繼體之初宣仁聖烈皇后以太母之尊
權同聽覽仁心誠意專在保佑朕躬自以簾帳之間聞
見不能周及故不次以用大臣推心以委政事非獨倚
任耆父所冀恢昭聖功司馬光呂公著忘累朝之大恩
懷平時之缺望幸國家之變故逞朋黨之姦謀引呂大

防劉摯等或自要塗繼司軍事迭居言路代掌訓詞或
封駁東臺或勸諍經帳顧于左右前後皆爾所親於時
賞罰恩威惟其所出周旋欺蔽表裏符同宗廟神靈恣
行訛譌朝廷號令輒肆紛更首信偏僻輕改後法開訴
理之局使有罪者僥倖下疾苦之詔訪羣小人謗言誣
橫欽則濫竊苟免之逋誣厚歲則妄耗常平之積崇聲
律而薄經術任穿鑿以紊官儀棄境上則謬謂和戎弛
兵備則歸過躋武城隍保民而罷增濬器械資用而輟
繕修凡屬經綸一皆廢絀人材淆混莫辨于品流黨與
縱橫迭分于勝負務決乘時之憤都忘託國之謀方利
亮陰之不言殊匪慈闈之本意十年同惡四海吞聲虜

計得行邊民受害昔周王受命召公惟辟國之聞江左雖微興宗有易代之難天下後世其謂朕何臨朝弗怡視古有愧况復踈遠賤士昧死而獻言忠義舊臣交章而抗論迹著明甚法安可私司馬光呂公著呂大防摯等各已等第行遣責降訖噫優禮近司朕欲曲全於體貌自奸明憲爾今復逭於誅夷至於射利之徒脅肩成市盍從中微俾革回邪推予不忍之仁開爾自新之路除已行遣責降人外其餘一切不問議者亦勿復言所有見行取會實錄修撰官已下及廢棄渠陽寨人自依別勅處分咨爾羣工明聽朕命宜令御史臺出榜朝堂進奏院遍牒時司馬光等既貶上謂刑惟厥中故降是

詔 四年三月二十八日中書舍人同修國史蹇序辰
言朝廷前日追正司馬光等姦惡明其罪罰以告中外
惟變亂典刑改廢法度訛謠宗廟晬晚兩宮交通近習
分布死黨考言觀事實狀具明而包藏邪心蹤跡詭秘
相去八年之間已有不可脩究者至其章疏文字行遣
案牘又散在有司莫能會見若不乘時取索編類必恐
歲久淪失邪黨交結有歲毀棄之弊欲望選官將貶責
姦臣所言所行事狀並取會編類人爲一本分置三省
樞密院以示天下後世之大戒從之仍差徐鐸蹇序辰
徽宗政和六年五月四日詔今後承務郎若降一官
並展二年磨勘不降充選人 欽宗靖康元年九月二

十三日臣僚言改官之法舉主有定負考第有常数吏部稽驗不容毫髮之私孤寒士人有老于選調不得應格磨勘者比比皆是童貫昨奉使陝西兩浙每一狀所薦不下數十人既無考第又無舉主端坐州縣且未嘗親戰陣之事不因邑直餽送必其僕隸與之為地遂例得改合入官蔡攸以宣撫司結局及進書轉官恩回授二子其子衍自待制遷雜學士豈恩例所得一官可比哉如張彬資序止監當交結權貴遂為河南府司錄不半年陞少尹望悉與追奪其他回授及資任有似此者盡乞根究改正見係貴降落職之人並乞依此施行從之

高宗建炎元年七月十三日臣僚言叛臣爭事偽

楚大小輕重亦自不等欲立定罪從格斷之凡叛臣之
大者其惡有五其一曰諸侍從而執政者其二曰諸庶
官及宮觀而起為侍從者其三曰撰進文字其四曰事
務官其五曰為邦昌改名者乞置之嶺表叛臣之次者
其惡有三其一曰諸執政侍從臺諫稱臣拜舞者其二
曰以庶官陞擢差遣者其三曰願為奉使者乞於遠小
處編管于是詔王時雍徐秉哲吳玠莫俦輩次第貶竄
云 二年二月十六日臣僚言臣嘗切論今日之患在
中國而不在夷狄在朝廷而不在邊鄙在士大夫而不
在盜賊日者一縣一郡之間有惡不肖之人乘時射利
進其身於朝廷人皆知其汚佞為害民蠹國為天下蠹

藥久矣而朝廷曾不加罪往往百姓盜賊共起而攻之
致虜其家奪其財執而戮諸市曰此宣和誤國之人也
夫朝廷不加戮而使百姓盜賊誅之國命倒置主柄下
移如此而欲夷狄治遠鄙治盜賊治豈不難哉臣願降
詔委諫官御史自崇寧以來饕餮貴富最無狀之人編
為一籍已死者著其惡未死者明其罪且曰此以開賞
用兵進者也此以花石應奉者也此以三山河賞進者
也此以刻剝聚斂進者也此以交結官寺賄賂權倖進
者也如此之類列為數十科槩其罪惡疏其名氏有司
鏤板播告天下則遠近內外曉然皆知好惡之所在君
子日以長而小人日以消矣詔依候具到令三省樞密

院叅酌施行 紹興元年七月十八日同知樞密院李
回言宣和間曾任中書舍人以校正御前文籍轉官恐
是濫賞乞削秩罷政上曰宣和政事恐不必一一皆非
人君肯留意文籍命臣下校正因有勞與之轉官自是
美事豈可與其他濫賞同科顧謂范宗尹曰且如卿等
以功轉官若與小人同一劄目亦自難處况如回等使
在討論之列何以存濟宗尹力奏此事如回者無幾其
他亦不足惜遂降指揮侍從及館職兼領校正者非又
二日御筆批出文臣討論日下寢罷大意以為不欲歸
過君父歛怨士大夫宗尹堅謂可行即日求出詔應武
臣濫賞並免討論追奪令尚書省日下施行 同日中

書省言紹興元年七月八日已降指揮追奪文臣濫賞
內一項應追官等並特與不礙注授舉辟磨勘奏薦不
理遺闕詔應緣臣僚論列因父兄秉政無出身得職名
並依今來措置濫賞等名色追降人如已追降並作不
係責降人 三年三月二十五日殿中侍御史曾統言
近日臣僚因事罷斥初無特放謝辭指揮乃輒露章稱
疾託故亟去中懷怏怏違慢彝章風俗寢壞甚可怪也
國朝故事侍從近列間以罪斥放免謝辭者亦或出於
體貌之恩非人臣所敢希冀犬馬去主猶知戀軒可以
人而不如望嚴加訓飭今後臣僚應被降黜不許託故
自陳規免辭謝如敢循習近例即乞重賜黜責從之

二十六年六月四日御史臺言勘會刑部供到紹興二
十五年十月以後因言章及刑部檢舉告訐編管安置
居住人曹泳移吉陽軍編管丁仲成南雄州編管王曦
建昌軍曹雲郴州並居住呂愿忠封州安置莫汲化州
王宥南恩州王肇高州汪召錫容州陸升之雷州張常
先循州康與之欽州徐樛高州王會循州雍端行賓州
林東英州鄭煒雷州並編管至今經涉年月未見逐處
申到收管文狀望降指揮下刑部并所屬監司嚴緊催
督如所在州軍故作緣故寄留人不即押發其當職官
吏並乞令監司按劾重作施行從之 九月二十五日
詔御史中丞兼侍讀湯鵬舉所論秦墳秦堪吳益甚協

公議然朕秦檜輔佐之久又臨奠之日而諭檜妻許以保全其家今若遽奪諸孫與壻職名不惟使朕食言而於功臣傷恩甚矣可令中外知朕此意今後不得更有論列 十月二十六日臣僚言勘會已降指揮曹冠等八人有官人赴試者令帶右字無官人並行駁放數內秦垕見係敷文閣直學士左朝大夫提舉江州太平興國宮除本官出身勅禮部已一面追毀外尋照得秦垕昨因御殿唱名進士第一甲第三名承指揮依第一人恩例特轉三官遂於承議郎上轉授朝請郎今來既帶右字其過省所得官即合追毀改正作右承議郎緣本官先于朝請郎上磨勘轉朝奉大夫修書賞轉朝散大

夫今來若依資次重別擬轉竊慮紊煩欲將本官從見
今官上追取朝散朝奉大夫朝請郎三官附身毀抹却
脩坐三項因依止給右朝散郎告一道從之 孝宗乾
道六年十一月六日赦勸會親民之官無如縣令儻非
其人為害不細今貪賊之令監司守倅公然蓋庇致民
無所赴訴在法所部違犯監司知通失按舉者奏裁而
近年以來因朝廷訪聞及臣僚論列者甚衆如今後更
失按舉當議重行停降

全唐文

續會要

黜降良九

淳熙元年正月六日新除太常寺主簿曹冠罷新任以
言者論冠自太學生附麗權臣不以公道濫占巍科躡
取美任太上皇帝更化之初奪其出身故斥不用陛下
聖度包荒許之自新令再赴廷試復得差遣乃必欲僥
冒超躡向未通判臨安之命為臣僚繳駁未幾有除冠
寺簿指揮物論益喧故寢新命 三月十八日吏部郎
中宇文紹奕放罷以言者論紹奕知資州刻隸書數十
本及蜀貨數萬緡以為苞苴日趨權門通行請託故黜
之 四月七日知臨安府沈度寢罷職名指揮以北使

之米度奉命館客託疾規避既聞虜使恭順又稱疾已
痊愈故有是命 二十六日司農寺主簿丁允文太學
錄徐存並放罷以允文嘗受部綱人賄賂容其作弊兼
自販米糶與糶場存傾邪熾熾初赴禮闈借勢權要寅
緣過省今乃為錄其心快快日圖超躐故黜之 六月
十三日大理司直柳大雅放黜求媚大官寅緣干進故
黜之 十四日新差幹辦行在諸軍審計司林祖洽放
罷以祖洽專事交結身至國門更不朝見唯奔走權貴
之門故有是命 七月四日右司諫詹亢宗追三官勒
停永州居住殿中侍御史季崇追三官罷新任先是右
丞相曹懷言近有以私意謗臣事跡六項理合辨明令

吏部侍郎趙粹中同大理寺官根究粹中等言根究並無交涉事跡於是詔臺諫意在朋附論事不實有司以聞灼見欺罔故有是責 十二月十八日祕書省祕書郎賈偉太府寺丞元伯源並放罷以言者論二人貪進不靖故黜之 二年五月八日新除工部郎官高禹罷新命依舊湖北提舉坐為淮東漕獻羨餘錢四十萬結名至闕下使之供具名色數目其實無有故也 二十四日戶部侍郎李安國放罷坐知常州日婢妾用事減削軍糧為湖廣總領縱親戚子弟於諸庫買酒託兵將官大價出賣多占破諸州有手作兵士令納免直錢故也 九月十八日給事中胡元質放罷以言者論元質

學術浮淺家素饒貲賂遺權貴使之游揚語言造作聲
譽久居瑣闥旦暮鞅鞅周視同列官在已上則巧為讒
言日夜騰播故也 同日太子詹事兼權吏部侍郎沈
樞分析欺隱可降三官放罷送筠州居住侍御史范仲
芑論右丞相葉衡因言及樞故有是命 閏九月四日
前大理正林仁厚前樞密院編修官樓錫外任指揮更
不施行以言者論二人巧於進取朋附宰臣葉衡故有
是命 十九日右司員外郎王正己放罷以言者論其
所居之職廢法徇情為害滋甚故有是命 同日太常
丞嚴煥放罷以言者論煥知江陰軍違法科數巧於結
托繆居禮官祠祭行禮不虔故黜之 二十八日大理

卿朱儋正李端友燕世良評事劉敏文並降一官權刑
部侍郎兼詳定一司敕令周自強員外郎吳淵各展二
年磨勘以儋輒於狀外推究吳氏與孫禧私通事跡擅
行追與推級別令供通情節端友等並干與書斷故皆
及之 三年二月二十三日金部郎官趙子蒙放罷以
言者論其知舒州日急征暴取貪墨之聲溢於羣聽已
而入朝遂居郎選自如素多罪咎雖甞自守職業廢廣
故有是命 四月十五日通奉大夫葉衡責授安德軍
節度副使郴州居住以衡昨任宰輔不能正身竭誠日
唯沉湎于酒輕聽易發徇私背心妄引舊章擅作三省
同進呈批降指揮故有是責 六月二十一日大理少

招

卿徐子寅放罷以子寅昨往淮東撫歸正人乃召集
東南游手廣張其數欺罔朝廷及教閱民兵乃安坐驛
舍付之路分梁佐有同兒戲臣僚論列故黜之 七月
二十一日監登聞鼓院王宗已幹辦諸軍審計司林祖
洽並放罷以言論宗已為常熟縣括責沿河新田租賦
奄為已有租洽昨知鹽官孫適與故相曾懷之子同官
專務誣媚侵盜官錢費用不貲故並黜之 九月十四
日前大府寺丞孫愬特免真決追毀出身以來文字除
名勒停以臣僚言愬匿哀不舉大理寺推勘得實故有
是命 四年二月二十三日工部員外郎呂翼之放罷
以言者論翼之昨任知汀州縱意妄作謔浪蔑傲殊失

郡守之體專事交詰以備進用故有是命 四月二日
刑定官陸杞放罷言者論杞素昧義方全無家法去歲
長子恕揮劍擊死六歲之弟名少祖者杞乃縱歸明州
漫不加省故黜之 五月二十六日大理卿葉模放罷
以大理寺勘碼湛不法事推司公行賄賂事連本廳書
吏模曲意迴護為臣僚論列黜之 六月二十六日著
作郎兼權考功郎官何萬著作郎兼權司封郎官傅伯
壽樞密院編修官葉世美並放罷臣僚言萬沉默寡言
實為陰險使淮東總所須索不已沈復不復其擾至中
尚書省今歲春銓龔茂良幼子實未能文萬自度必為
考官密獻賦題又搜尋卷子收買行間其挾私媚上任

情屈法如此伯壽輕儇浮薄以茂良舊諸父之館客奔走其門曾無虛日平時善起風波中傷善類率意妄作不安義分世美校猶柔媚陽為厚德窺伺朝士語言密結茂良凡所除授皆世美謀之繇此其門如市賄賂公行故並黜之 七月十七日大理正柴衛放罷以殿中侍御史謝廓然言衛身為寺官為前執政龔茂良鷹犬取媚求進故黜之 二十一日新除太學博士諱惟寅罷新任以言者論惟良趨走龔茂良之門訣聞寡見不足為士子矜式故也 八月三日宣義郎黃瓚宣教郎盧琰令吏部注授知縣宣教郎丁允元注授通判差遣並理作堂除瓚初除將作監簿允元除太府寺丞言

者論其名係奏補京官合授監當差遣若朝廷欲陞擢
其人任使特免限其考任舉主各令赴部注知縣差遣
故有是命 九月二十日著作郎李垕降一官放罷以
言者論垕為其弟應制科黜落撰上舍試策題忿怒肆
言其父彙自知朝論籍籍旋騰自劾之草乞將垕罷黜
彙與外補差遣故有是命 五年三月二日新初令所
刪定官李友直放罷以及真方待次慈溪簿未經任之
故也 四月十八日起居舍人趙思降兩官放罷以思
奉使應答依違故也 十月二十五日奉國軍節度使
殿前指揮^{都使}王友直降授寧武軍承宣使坐病勢增重致
之失紀律故也 二十七日大理寺直王夢若放罷先

是大理少卿賈選言夢若妄作不靖傲慢凌轢姦汚疆
暴乞奉祠迴避詔夢若與外任後引援恩例添差浙西
提舉司幹辦公事既而臣僚論列故黜之 二十八日
大理寺丞陳資深司農寺丞徐存並放罷以臣僚言資
深與湯邦彥姻家媒孽善類今丞棘寺每事自專以修
造為名支用贓罰錢千緡存項冒楊時高第徐存之名
於秦檜當軸時乞送入試院試官觀望遂竊一第平居
里閭士檢不飾鄉人畏之目為四凶故黜之 十二月
十二日戶部尚書韓彥古送臨江軍居住以閣門寄班
董珏道過彥古不避擒至其家裸縛於庭肆其凌辱臣
僚論列故貶之 六年八月十九日提轄行在權貨務

都茶場梁季珩放罷以臣僚言季珩近差充明堂西廊
從祀神位分獻官季珩惡其星名有哭泣星以為不祥
託疾辭免故也 十一月二十三日國子監丞范蓐放
罷以右正言黃洽言蓐狂率齷齪一歲之間四有遷除
故黜之 七年正月二十七日將作監丞胡長卿新除
國子錄周承勛並罷新命以臣僚論列長卿多資結託
承勛實緣詭遇故也 四月二十二日禮部侍郎齊慶
曾放罷侍御史黃洽論其附麗苟得志趣卑下故黜之
二十六日韓彥古與在外宮觀先是有詔與在京宮
觀仍奉朝請以言者論其不忠不孝罪惡暴白前後數
遭論列不當使在京奉朝請故也 九月二日大理寺

丞楊允功評事滕安並放罷以右正言葛邲言允功與
安性質凡庸又多怠忽所定獄案用法不當為省部疏
駭故黜之 八年閏三月二十八日太學錄沈煥與在
外差遣以待御史黃洽言煥變亂差職事格法欲擅長
貳所為且不自靜重故黜之 六月十八日知臨安府
王佐特降一官坐圻臨安府居民屋宇過數故也 九
月四日司農寺主簿蔡霖監進奏院黃直中范華並主
管台州崇道觀以監察御史王藺言霖直中闕葺食部
宰邑無狀華愚暗全不曉事故也 十六日大理評事
劉述與合入差遣以言者論其天資凡庸不曉法律故
黜之 九年正月十八日太常博士吳天驥放罷以言

者論其居鄉干撓孫道洎來行都唯事請託故有是命
三月二十八日敕令所刑定官汪大辯放罷李友直與
在外合入差遣以殿中侍御史張大經言大辯輕儆不
靖除刑定官已為臣僚論其無履歷而寢今復奔競躁
進卒得舊物友直入仕以來無一日實歷僥倖太甚故
有是命 六月一日太府少卿兼權戶部侍郎燕世良
放罷以言者論其素虧孝行冒法嗜利屢試無狀故也
同日新除刑部郎官趙輜與改添差參議官差遣言
者論其性資懦弱非撥煩之才故有是命 七月九日
太府少卿准西總領葉宏放罷以言者論其征歛峻急
刑獄枉濫律已不廉又多為苞苴徧遺權要故有是命

二十二日新除軍器監主簿謝侗放罷以監察御史
顏師魯言侗昨知邵武孫專事苛刻故也 八月十三
日太府少卿王曉放罷以言者論其庸繆老騷輕儇諧
謔昨任州郡褻押營妓糜耗公帑凡所決事是非倒置
故有是命 十一月一日新除金郎官章冲與外任差
遣坐前守毗陵略無善狀當旱傷之際措置乖繆縱吏
為姦民被其擾為臣僚論列 十年二月二十六日新
除起居舍人熊克與在外差遣以言者論克夤緣請授
忽叨召試今茲峻除士論尤駭故寢新命 四月十五
日大理寺丞朱端厚放罷以臣僚言其平時倚勢擅權
脩載章疏昨為太府丞所轄庫務不堪其擾故罷黜

六月三日右司郎官陳蒼舒放罷以言者論其歷更中外初無可紀聲跡其平昔所為有越於繩檢之外者故也二十五日大宗正丞兼權倉部郎官柳大雅太府寺丞兼權刑部郎官吳昭夫並與在外合入差遣以言者論大雅闕算貪鄙因緣干進昭夫傾回僇簿結納權貴故有是命閏十一月九日新除司農卿錢佃差主管建寧府武夷山冲佑觀以臣僚駁奏故也十一年三月十一日國子監丞彭仲剛放罷言者論仲剛心術回邪學識乖謬故也十月二日司農寺丞方有開大宗正丞任洙太府寺丞朱端學並補外言者三人職業無聞不宜久玷班行乞檢照更迭指揮各與補外試以

民事從之 十一月四日吏部侍郎賈選放罷臣僚論
選性資弗高行能無取乞賜罷黜以清朝著從之 五
日校書郎吳商衡放罷言者論商衡身居清選行若市
人出妻賣友士論嗤鄙故有是命 十二月八日祕書
郎兼皇太子宮小學教授鄭鈔放罷言者論鈔恢諧無
威儀不足以當師儒之選汙儲才之地故罷之 十二
年七月二十三日大理卿吳宗旦持降兩官放罷言者
論宗旦淹延留獄阿附失刑因及曾榮犯入已贓宗旦
極力調護卒從末減乞賜罷黜詔從其請仍以鞠勘賊
吏庇覆徇私特降兩官 八月四日籍田令王自中放
罷以言者論自中素無行檢專事口吻故也 十三年

正月二十八日接送伴副使鄭師聰放罷以師聰沿路
收買物色騷擾州郡故也 三月二日宗正丞兼權吏
郎官李嘉言放罷言者論嘉言柔佞無耻矯為不情久
汙清貲允謂非宜故黜之 十月十六日新除刑定官
史消與近闕幹官差遣臣僚繳奏消以特奏名補文學
齋齟無聞令處之以教局儲才之地人言籍籍乞別與
諸司屬官差遣從其奏 二十九日敕令所刪定官陸
九淵差主管台州崇道觀九淵除將作監丞臣僚論駁
謂其躁進強聒乞賜寢罷故有是命 十二月二十二
日右司郎官呂大麟放罷言者論大麟謬當劇曹吏積
紛然漫不加省乞罷斥遴選通才俾居其位從之 十

四年八月十二日敕文閣學士提舉佑神觀韓彥直降
充敕文閣直學士提舉隆興府玉隆萬壽宮先是彥直
任戶部尚書臺臣論其行比較之令州縣催科亟嚴胥
吏絡繹怨言滿路廼罷任授之內祠踰月諫官復論彥
直督迫征催流毒天下乖氣致盭迄成旱災乞屏之遠
外故有是命十五年正月二十二日著作佐郎兼兵
部郎官梁汝永放罷以言者論其容止鄙俗趨向猥下
故罷之五月二十四日司農卿萬鍾放罷言者論其
巧於交結寅緣附麗厠跡九卿竇汙朝列故罷之七
月二十五日太府少卿趙善悉放罷言者論其天資回
邪素行貪狡專務奔競交結權勢近者卿寺之遷人言

鼎沸謂其寅緣至此乞賜罷黜故有是命 同日兵部

侍郎林栗與郡言者論栗狠愎自用黨同伐異無事而
指學者為黨乞黜之以為生事者之戒故有是命 八

月二日安遠軍承宣使張子仁降一官以子仁自陳失
覺察外妾簪楚婢姁致死故有是命 二十四日國子

博士戴履太學博士施邁司農寺主簿盧瑑大理司直

毛密並與外任幹辦諸軍糧料院俞拒與祠祿以言者

論履學問荒唐識見暗陋邁謬為誠敬好事唇吻瑑天

資倭柔不安義分密閑葺不材濟以譎詐拒謬懦無聞

昏衰多病並乞處分故有是命 十一月十六日司農

寺丞林祖洽放罷言者論其前任常州為政無狀內而

西妻孥與聞政事外而僚屬交通關節乞行罷黜故有是命 十二月六日考功郎官田洵罷新命言者論其操術回邪臨事專復持節浙東採荒無策乞賜罷斥故有是命 十六年正月十二日權工部侍郎素樞以論事袂忿特降兩官放罷 淳熙元年正月二十二日知襄陽府陳從古知楚州周極並放罷以言者論二人庸猥不才貪墨無恥難任寄遣故有是命 同日知濠州向道放罷以本路運判吳淵言其治郡不職故也 二月十四日新提點湖北刑獄朱玘罷新任以言者論玘賦性貪婪不顧廉恥曾任知州軍差違於法不應押綱而乃規圖酬賁又陷失官錢不納為廣西運判日蘇寬

剝錢二十萬緡及朝廷令撥赴湖廣總司玘疏計敗露
假貸括刷無所不牟故有是命 三月十九日石文殿
修撰新知靜江府史正落職提舉隆興府王隆觀以言
者論其巧求進用聚歛殘酷故也 四月二十七日新
知歸州李霖新知興國軍王定國並罷新任以言者論
霖居鄉請託干撓知宜州日不法知瓊州日以家質庫
故衣折支軍人衣幾至生變定國本福唐人浪游淮楚
習成華音因投張浚歸正旋知高郵軍移易官錢轉販
鄰境以資饋遺故也 五月二十五日新知徽州程宏
遠罷新任以言者論其輕視凶險居鄉恣橫脅持縣道
故有是命 二十九日前湖廣總領呂游問特降兩官

權京西提刑陳從古特降一官先是游問在任將官屋
虧價賣與族姪昭中又令兌換會子收受錢物已落職
放罷委官體究至是刑部言游問判狀兌錢事理明白
而京西提刑司體究違慢故併罪之 六月十四日新
知衢州李杓放罷以杓夤緣得郡不即陞辭乃託疾乞
且歸鄉故有是命 九月六日知臨江軍趙不黯特降
一官以江西帥臣拖積軍兵請給及低價減折冬衣致
軍兵喧噪故也 十月十六日知全州夏邦榮放罷邦
榮本歸正人未諳州軍事故有是命 十一月二十五
日成都府路運判趙不息故罷坐賑濟無策故也 十
二月十八日新淮南運判趙善俊罷新任以言者論善

俊天姿刻薄昨守襄陽政事乖謬惟務凶殘有繫獄者
或至斷其手足一方之民莫不震駭故有是命 二年
二月二十二日兩浙轉運副使呂檣呂正己並放罷以
言者論二人僥求進用勢既相軋互相攻擊故也 同
日新知彭州杜黃孫前知龍州符愿並放罷以言者論
黃孫苟賤無恥愿刻薄貪鄙故也 三月五日知施州
胡明放罷以夔路運副謝師稷言其暴橫不法故也
二十二日新知鄂州曾昭放罷永不得與知州軍差遣
坐知濠州日任買馬事虛破馬價盜為已有已追三官
放罷今復以巧求進故有是命 二十四日浙東提刑
胡仰落職放罷以言者論仰昨任湖南提舉賊汚狼藉

故也 二十九日知贛州陳天麟除敷文閣待制知平
江府韓彥古除敷文閣待制並寢罷成命以天麟贛州
之政未有過人彥古奪服為郡亦難冒處故寢是命
四月十一日新除閣門祇候知光州孔異罷新命以資
歷尚淺故也 二十二日成都府路轉運判官李石故
罷坐知眉州日子弟與政請託公行故也 同日觀文
殿學士錢端禮降授資政殿學士罷奉祠以言者論其
頃邪貪暴居台州挾持威勢騷擾一郡營治私第凡竹
木皆白取于民其守會稽以他處一猾吏自隨使預郡
事暴征苛取事至官者曲法鍛鍊沒人家貲所積至六
七十萬緡故有是命 五月二十三日知隨州湯鶯降

修武郎放罷坐縱親弟帶領兇惡人私販香貨入權場
故也 六月十一日新江西路提刑方師尹別與差遣
坐老耄畏怯聞江西茶賊竊發畏避遷延不敢之官故
也 十二日知紹興府留正除顯謨閣待制放罷坐辦
錢端禮籍沒人戶科罰錢物數誤故也 十四日新夔路
轉運葉行已特降授朝請郎放罷永不得與監司差遣
以言者論行已任江西提刑當盜賊縱橫畧無措置但
有畏怯故也 七月二十三日知彬州何浚明放罷坐
不留意職事多造什物專委門客姚宗佐交通閹節賄
賂公行故有是命 二十八日知隆興府汪大猷降充
集英殿修撰以選委賁和仲捕賊不當已降龍圖閣待

制和仲輒行招安致賊走竄故復有是命 八月四日
敷文閣待制知平江府韓彥古落職放罷以言者論其
緡折麥每尺輸麥四石五斗以錢計之五倍其數以家
力科糲米多者至一二千石又以家力數上戶酒至一
二千瓶吏民小件其意亟置之獄籍沒家業殘刻險詐
無所不至自述理財之效言所借南庫錢物皆已而提
領所具平江府所借南庫錢物尚有七萬貫未到以無
為有故有是命 八日明州觀察使江南西路兵馬總
管賈和仲除名勒停送賀州編管以和仲收捕茶賊失
利上謂輔臣曰和仲當小寇乃失律如此設有大敵當
如何不誅無以警諸將既而復諭曰和仲本欲行軍法

其罪在輕舉進兵朕觀漢唐以來將帥被誅皆以逗留
不進或不肯用命如和仲正緣輕敵冒進誅之却恐諸
將臨陣退縮故有是責 九月九日前知光州滕瑞送
靜江府羈管坐淮西帥司按其在任不法故也 二十
日知江陰軍藍師稷與宮觀差遣以臣僚言其貪冒貨
賂干犯法禁故有是命 二十二日知臨安府胡與可
與外任宮觀以言者論與可趨操柔邪性姿詭譎平生
仕官了無可稱但以善於結託脂韋苟且累經除用遂
為臨安守臣厚歛重征以資妄費凡有爭訟非賄不行
與可身雖卑污無以戢吏獨於士夫之間乃敢肆其凌
藉倨氣傲色專為凶德既而復言與可罰未當愆遂寢

宮祠之命 二十九日前知邵武軍趙伯濠特降一官
坐以苗米折錢及擅支常平米故也 閏九月四日知
吉陽軍林寶慈特除名勒停以廣西經畧司言其違法
生事擅與蕃國交易故特重其罪 十月十四日福建
路轉運判官劉祖禮新知處州錢象祖並放罷祖禮坐
申江西盜賊不審象祖以憑藉世資未諳吏事故也
十八日知衛州曹總放罷坐耽飲嗜閑不修郡政故也
同日新知富順監井東罷新命以秉資序太早凶險
貪墨故有是命 十一月十九日新知綿州胡佑江東
提舉潘甸並放罷以言者論佑齷齪罷懦難任劇郡甸
嗜酒頗放貪財黷貨故也 二十二日江東提舉潘甸

特降一官落職准東提舉葉翥特降兩官知平江府陳
峴降一官坐修築陂塘減裂今歲災傷不見灌溉之利
故有是命 十二月十三日湖南運判吳^援搜新知袁州
李處全知楚州辛堅之並放罷援以盜賊竊發之際乃
集工匠多置器用以資戲玩致工匠失業多全家遁去
處全經由蕪湖縣受富民賂遺堅之項迎合權臣殺害
無辜起廢為郡違法虐民凌忽都統制張宣動輒紛爭
故有是命 三年正月六日直秘閣知吉州王濟降一
官以茶賊入境濟首唱招安之說公為逃遁之計未幾
賊平錄功有罪漕臣錢佃亟以勞績求上朝廷即加職
名既而李燾錢佃復按其弛慢之罪故有是命 九月

新知楚州胡與可新知嘉州陸游並罷新命以臣僚言
與可罷黜累月舊愆未贖游攝嘉州燕飲頗放故也
二月八日新知封州張孝覽罷新任言者論其資稟凡
下舉措輕儉且資序甚淺故也 二十三日新知袁州
胡安老降兩官罷新任以言者論其姦貪狼藉故也
三月二十三日知閩州任統臣放罷以言者論其既老且
病內懷自棄餽餉狼籍靡所不有故也 同日廣東提
舉李綸放罷以言者論綸不諳吏事肆為苛擾拘留巡
尉印紙責以捉獲私鹽緣此巡尉急於捕捉百姓驚擾
鹽倉屋漏虧損官鹽抑令納鹽人及附近居民陪納嗟
怨之聲溢於羣聽故有是命 六月四日浙西提刑趙

師夔放罷以師夔守吳興日聽任猾吏交通關節縱容私僕驗擾一郡規圖富人田產前後不一為臣僚所論故有是命 二十一日新知衢州陳從古放罷以臣僚言從古所至贓污故也 二十七日新知衢州陳良祐罷新任先是乾道六年良祐為吏部侍郎時朝廷遣使求祖宗陵寢良祐自疑當行上書阻止其事為臣僚論罷送筠州居住至是除知衢州言者復論前罪故罷 七月四日新廣南西路轉運判官栗森放罷以臣僚言森自為醴泉縣令至守永州凡厯四任皆號貪虐故也 二十一日新知興化軍劉大猷放罷坐居父喪八年不葬擅折居民屋宇為一方之害故也 八月二十六

日武功大夫前知吉陽軍姚元追一官勒停坐在任不法故也 九月六日知隆州朱紱新知永康軍劉庭詔並放罷以臣僚言紱燕飲沈湎職業頽廢庭詔浮薄嗜利巧於結托故也 二十一日知蘄州李楠放罷以臣僚言楠賊汚不法故也 同日江東提刑司馬倬放罷以倬受賂鬻獄為臣僚所論故也 十月八日前知蘄州陳天麟罷官觀以臣僚言天麟政以賄成罪以貨免寄居宣州交通閹節靡所不有故有是命 十三日新知江州徐行簡放罷以臣僚言其姦賊狼籍故也 十月二十九日都大提點王楫追五官勒停送台州編管先是臣僚論其廣數諸州木炭錢不以數鑄盡獻於朝

却以舊錢入換新錢解納又強買官田姦汚狼籍詔江西運判趙汝愚體究得實故重其責四年正月二十日新淮東運判胡與可罷新任以臣僚言與可天資邪佞誕妄有餘向為臨安守臣專為身謀日夕奔競府事未嘗留意一委之胥吏弭盜無策聽訟不公故也二十五日新知梁山軍趙善言罷新任以臣僚言善言稟資苛酷賦性貪婪初不曾任知縣又不曾歷通判驟付以郡其虐必甚賊汚凶暴愈見狼籍故有是命二月十七日濠州團練使新知真州元居實故罷以言者論居實生平躁進事誕謾肆為空言以取官爵故有是命二十三日江西提舉趙綱立放罷綱立惑於內寵擅

取本司公帑之物故有是命 三月二十三日新知梧
州沈瀛罷新任以臣僚言瀛昨為樞密院編修朋附干
進故也 二十四日知彭州王序辰放罷序辰天資險
詖黷貨無厭為臣僚所論故也 同日新淮東運判胡
倚放罷言者論倚誕謾有素貪饕不廉為福建提舉日
令本路幹官買妾歸其家乃酬以舉狀故也 二十五
日知閬州李迴罷新任以言者論迴賊汚欺罔故也
四月二十二日知江陰軍錢仰之放罷臣僚言仰之賦
性彊暴用心私邪以喜怒為刑獄以術數為蹊徑故罷
二十四日知南恩州李績放罷以臣僚言績禍躁苛
酷任意多私故也 同日新知鄂州胡倚罷新任以臣

言倚閑居鄉里脅持短長昨知靖州不能綏懷夷落科
數苛暴村叟騷然不可付以上流重鎮故有是命 五
月十六日知房州李杓罷新任別與閑慢差遣以臣僚
言杓昨通判台州交通關節士論鄙之今年七十有三
昏膠滋甚決不能當邊寄故也 五月十六日廣東提
舉葛世顯放罷以言者論世顯因緣妻官三任廣南專
務黠貨旋得廣東提舉官到任未幾乃以本司舊積鹽
本錢指為寬剩取以獻納故有是命 二十日新知潮
州潘淵明改差主管建寧府武夷山冲佑觀以未愿親
民差遣除授不當為臣僚所論故今奉祠 同日新知
新州鄭守浩罷任新知台州林仲夷改差主管成都府

玉局觀以言者論守浩為前執政親舊超躡除授仲夷
合赴新任預索逐吏取公使錢隨行用度又偏於權要
經營內除故有是命 二十一日新京西運判鄭昂罷
任以言者論昂喋喋利口初無他才與前執政龔茂良
雅故遽有將漕之除故有是命 九月二十日淮南運判
向直放罷以臣僚言直早虧素行專任狠愎觸事情然
無所通曉儀真係置司之所妄申疾疫大作又稱楚州
米價踴貴欲以職事脩舉希望旌賞為是欺罔故有是
命 十五日新知賓州石良弼新知雷州黃萬頃各別
與差遣以知靜江府張栻言良弼頃知邕州昏謬闕章
漢雖救不敢禁戢一州財賦謾不知省萬頃昨為邕州

通判溪洞多產生金萬頃託官典錢價以賈將往石江
販賣又將平人為劫賊故有是命 十月十六日知鎮
江府呂正己特降一官以府獄賊囚曹仲等鼓率別火
罪人解脫桎索奔逸臣僚論其失職故有是命 十七
日知隆興府呂企中放罷以臣僚言企中在任一意括
剋侵奪民利以歸私帑故也 十二月八日江東運副
徐本中降一官以鋪兵汪青盜拆通角文字不能覺察
而飾詞妄申覲以免罪故有是命 九日知漢州孟頴
罷新任以臣僚言頴自承詔旨差知漢州今赴行在奏
事已經年餘尚未到闕却引用川廣免奏事指揮覲覲
幸免故有是命 同日新浙東提點刑獄公事鍾離松

改添差淮南東路安撫司參議官不釐務以臣僚言松
年踰八十精幹弗殫識慮已昏故也 同日知洋州傅

鈞放罷以中書省言大理寺勘陳公正案內受傳鈞黃
角弓劍等故也 二十六日淮西提刑張士元落直教

文閣以士元申奏知廬州王希呂殺劫盜許德等玉器
駟馬不實故也 五年正月十一日新廣東提舉常平

茶鹽方師尹新知臨江軍徐五老並放罷以言者論師
尹為淮西總領與監官作契為江西憲文以茶寇畏避
不之官皆遣彈劾五老貪恣無厭故也 十七日知梁

山軍趙彥遠與官宦親以知成都府胡元質言彥遠以末
疾在告軍事付之監酒呂允修故令奉祠 二十三日

江南西路轉運副使權提刑王次張知興國軍黃茂材
江南西路轉運司幹辦官湯况各特降一官放罷先是
興國軍勘武世榮胡恭停藏劫盜次張不合用私劄催
督公事迹涉疑似茂材輒奏次張求爲爲盜脫罪考究
無實故有是命 二月六日新知寧國府史正志放罷
依舊官祠以正志昨爲發運使日大張聲勢增置官吏
橫行諸路括剋州縣故也 八日知文州塗尚友先次
放罷今四川制置司差官取勘具奏聞奏以知成都府
胡元質按尚友擅鑿開管下青唐嶺路有害邊防故也
二十五日知興國軍黃茂材特降兩官以江西安撫
辛弁疾言茂材過數收納苗米致人戶陳訴故也 三

月二日新知寧國府趙彥博放罷以彥博嗜利好進獄
事國莽率於請託及得宣城快快不滿故有是命 七
日新知高郵軍王定國特降兩官罷新任以臣僚言定
國貫福州妄稱河南府人冒名歸正借補文學昨在高
郵軍姦賊狼籍言者用是論罷今乃復得高郵未協公
論故有是命 十八日知温州韓彥直前知台州尤表
提舉兩浙東路常茶鹽公事姚宗之並各特降一官以
温州自乾道六年以後累年拖欠內藏庫坊場錢數
多並不發納故也 四月八日知連州費鎔放罷以言
者論鎔因公事科罰又五十里內創置稅場重征雜稅
故也 二十二日知江陰軍蔣雖放罷以言者論雖強

與部民陳廣壽結親又任意徇私致狴犴重囚走逸故也 二十六日知泰州魏欽緒先次放罷令葉翦體究詣實聞奏以本路提舉鄭嗣宗言本司支錢五百千金本州脩造常平倉屋欵緒輒資別用又祠祭為初獻官更不致齋用妓樂筵宴故有是命 五月十日兩浙西路提舉常平茶鹽公事潘時降一官以本路提刑韓侯按時占役禁軍荷轡故也 十八日淮西轉運副使張士元知安豐軍司達並放罷以言者論士元冒佃官地強買民田乾沒賑濟教閱錢米幣賣總首主簿白帖達始揚言欲掘撫士元既為所啗反相表裏差補總首借補官資悉効士元及其交相疑忌逢即持士元遣人過

淮作過士元即持逢遣人過淮鬻酒二人罪惡不可縲
數故俱罷 六月二日新除江東提舉丁常任改差知
真州以給事中錢良臣言常任資淺望輕未便民事待
節察州授之太遽故改命 十八日知夔州李景舉放
罷以言者論景舉天資殘酷加以沉湎民事弗恤而
多私故也 閏六月七日知懷安軍宇文紹寅放罷以
本路帥臣王亢按其性資儉巧不謹魚鰕婁逐所部見
任官而以親舊充填窠闕用為腹心以侵漁百姓故有
是命 十八日廣東提刑黃濟特降兩官已降官觀指
揮更不施行以臣僚言濟初乞修韶州城壁急于希賞
方窮冬凝寒千里騷動致民夫死于凍餒者不可勝數

後自知其減卒未就緒所以託疾丐祠故有是命 七
月五日知英州葛霖放罷以霖苛刻科擾違法害民故
也 七日知信陽軍余童特降一官以北界蔡州新息
縣居民被賊劫盜財物移文本軍不即繳申朝廷徑自
回報致對境闕報不依元式故也 九日知真州解元
振放罷以本路提刑徐子寅言元振久病在假郡事盡
付胥吏百姓受弊故有是命 十三日新知永康軍張
炤與幹官差遣坐昏既不能任事也 八月二十六日
浙東提刑傳自得浙西提刑呂正己並放罷自得昨以
故相秦檜當國撰造趙令衿不法事致之死地遂得美
官正己閨門之內醜聲著聞每所居官政由內出昨守

鎮江致禁囚越獄竄逸乃歸過於司理以自免故有是

命十月一日浙東提刑周權依舊准東提舉知興國

軍張祖順差通判筠州以臣僚言權罷妄誕不可待

平近甸祖順庸謬闡茸難堪郡寄政也十一月二十

三日昭慶軍節度使知隆興府楊倓與外祠以言者論

倓初無他長徒以黜闕之後叨授節鉞膏粱樞筦不能

以功業報國比因移帥豫章稽之舊例大臣非得旨無

自言乞過闕奏事而倓乃有此請意其假守當塗必有

邊防機密不可附奏及其報行劄予乃是乞與弟姪分

財析戶遂為此來後致其弟婦諸姪都省御史臺陳訴

故令奉祠十二月十一日知台州李宗質特降一官

以本州拖欠內藏庫坊場錢數多故也 六年四月五日江東提舉潘時知池州趙粹中並放罷以二人交章相攻故也 二十七日廣西提刑廖遵特降一官放罷先以擅增瓊州監額降一官次因臣僚言遵奏劾昌化軍判官蔣穆水軍統領張麟捕執客人楊朝章等誣以劫盜而容庇守臣李邦光不能刺舉故有罷黜之命 六月八日直秘閣荆湖北路安撫司幹辦公事田公輔放罷坐將私馬高價市與神勁軍而以本軍揀退馬賤價收買故也 二十四日知壽州李端卿特除名勒送梅州編管以經略使劉焞按其當李接補聚之際望風棄城故也 七月一日知光州王德政放罷以本路

漕臣薛居實言德政與通判李時習不相和協以致獄事不務平允各以喜怒出入情罪詔並放罷令居實究理曲直既而居實言時習先嘗兩次權州專事既久及德政到任尚行專恣以致德政憤不能堪又聞時習拆換赤歷移易官錢故併罷 七日江西運副楊由義特降一官放罷先是前臨江軍清江縣丞汪作乂嘗權縣事由義欲應副親戚押綱未起發間作乂離任知新塗縣林梓妄申漕司云作乂將歲計合發官錢那兌用過是致綱運無可起發暨作乂以任滿赴闕由義輒令臨江軍差人追捕作乂至信州塗中死於非命故有是命 十一日知漢州宇文紹奕特降兩官放罷永不得與

監司知州軍差遣以言者論紹奕在任舉措僭侈一意
妄作醜聲播聞故有是命 二十五日知藤州鄭炯特
降兩官以本路帥臣劾炯為政弛繆略無廉聲及得替
歸違制多差送還兵級故也 八月八日知潮州朱江
放罷以臣僚論其縱跡醜穢納賂鬻撤故也 十四日
湖南提刑葉程知郴州雷涿各降兩官放罷以言者論
涿始率宜章姑息賊徒以得虛譽既就使為州乃矯前
政折之以威其徒忿然遂決意為盜程昏虐貪墨宜章
盜賊諸司皆申而憲司獨無條具故有是命 十七日
知楚州翟昉特追五官勒停送筠州居住以收捕楚州
淮陰縣劫盜通判葉挺鈐轄賈懷恩妄申於淮河內與

賊迎敵殺死賊人及將拘到北界官船作獲到賊船賊物解發改憑妄狀行捕獲聞奏故有是命 十八日前知吉州藍師稷特降一官放罷坐上供米愆期不發故也 二十日直祕閣前知安豐軍丁達特降一官以任內差朱直卿權攝從運判張士元覺舉也 二十五日知衡州李楷放罷以提舉李端友按摺酷虐不法故也 同日知金州王彤特退三官勒停以四川總領李昌圖言彤知金州日將趙剗錢造金器入已有司鞫得其實故有退毀之命 九月二日廣南西路提刑徐翽轉運判官梁安世各降一官以翽等同衡奏經略司保明功賞不實頗涉張皇再令指定却乃異同故有是命

二十一日知安豐軍劉大辨放罷坐縱容客人透漏禁物過界及科敷不法故也郴州二十四日新知郴州黃義實與閤慢差遣以臣僚言郴州今當蹂踐之餘人情反側政賴守臣撫摩安集而義實閤茸無能不足當是職故有是命 二十七日廣南東路運判趙公瀚特降一官放罷以言者論公瀚尅利州郡以私一已昨收捕陳峒首尾月餘自支撥提舉司封椿錢之外又科撥諸州錢五萬緡及有解嵩者罷守宜州道由所治公瀚知其家有雷琴可直千金乃館嵩于本司未幾嵩病死遂取其琴及名畫數十軸併酬以百千其家怨泣不敢言至令狼狽不能出領故有是命 同日知鄂州趙善括放

罷以總領周嗣武漕臣陳延年言趙善括增起稅務課額至十倍多添民間賃地錢彊令拍戶沽買私酒白納利錢侵都統司課額故也 同日知閬州宋少虛放罷

令潼川府路提刑司根勘以間從利路諸司按其賦污不法故也 十月八日知德慶府陳燾放罷以燾庸繆

老而益貪職事弛慢故也 十六日新知鄂州周極放

罷先是極知秀州日自帶私家坐船於本州沽賣私酒

為酒務轄下人所捕極忿怒其人誣以行劫綱拷有至

死者大理寺鞫得其實先詔追三官勒停至是起廢中

書舍人鄭丙言其為惡不悛愈益恣橫故有是命 二

十六日浙東提舉李宗質湖北運判張玘並放罷以右

正言宗質超附巧進營私背公玩素浮躁專事唇吻故

有是命

十一月二日荆湖北路轉運副使戴幾先放

罷以言者論其為國子司業時攀附權貴為太常少卿

時祀事不共故有是命

三日知化州何偉除名勒停

以偉在任數墮害民橫歛致寇又嘗誅戮平人及男公

鼎彊取部曲女為家妓故也

八日新知蘄州沈公孫

與閑慢差遣言者論其黃緣假托驕驕鄙俗故也

十

七日知峽州唐孝穎放罷以本路漕臣言其衰老綱紀

不立故也

同日知復州潘才卿放罷以本路漕臣劾

其枉於重責鮮克由禮身為庶官通謁用朱衣吏革前

建十二辰旗且恣其暴虐不能撫摩故有是命

二十

一日新差提舉廣東市舶蘇總龜改差主管台州崇道觀臣僚言其素若昏眊瞻視不明故也 十二月二日

新除利州路轉運判官王濟放罷似侍御史黃洽言其姦賊慘酷累遭論劾故也 同日知興國軍徐行簡放

罷坐興國歲旱行簡自言因人匠餘工打造刀斧弓弩欲行投進為臣僚論列 同日知金州王彤放罷以四

川總領李昌圖按其不法故也 十三日知吉州監師

穢放罷以侍御史江濟言其昏眊不職民訟不理財賦

失陷故也 十四日知黎州李福謙降一官放罷四川

制置使胡元質降兩官先是黎州蠻作過福謙失職詔

令制置胡元質具福謙不職始末於是宰執進呈福謙

於五部落未作過之時屢申事宜而制置使胡元質畧
不為備致覆軍殺將故有是命 十六日知婺州韓元
吉放罷以言者論其恨僻貪婪故有是命 二十二日
新知永州胡倚知滁州胡儔並放罷以言者論倚等生
平所至皆無善狀荐汙白簡歷歷可按故有是命 二
十四日知泰州吳儆主管台州崇道觀理作自陳以臺
臣言其貪暴自恣故也 七年正月二日新除提舉兩
浙東路常平茶鹽公事李端友罷新任以右正言黃洽
論其簞簞不飾復事干謁故也 二十三日知歸州錢
似之特降一官以成都府路轉運司奏留滯綱運抑取
取錢故也 三月十一日淮東提舉周權放罷以言者

論權好誕謾妄作初除江東鹽司未久即改淮東又改
憲浙東既招人言復得舊物闕未到年餘先批帖問都
吏以俸給闕未到半年先遣人為索接計車未入境即
肆妄用故也 同日淮東運副徐子寅被罷以言者論
揚州劫盜事連漕司部轄使臣子寅庇之故也 十八
日敷文閣待制單夔罷官觀差遣以言者論夔善於結
托奉祠而歸必欲臨安府居止故罷之 四月九日朝
散郎王正已特降兩官坐知湖州日拖欠窠名錢二十
七萬餘貫故也 二十二日知秀州陳從古罷新任以
侍御史言從古九年之間五招物議賦汙狼籍一歲之
頃兩次規模差遣故也 二十三日知温州胡與可罷

新任先是温州打造海船一百隻支降官會一十萬貫
付與可措置與可懷姦挾私專事擾民故也 同日昭
慶軍節度使新知荆南府楊傑罷新任依舊官觀右正
言葛邲論其驕蹇貪婪盜賊公行獄訟不決專信任隨
行使臣吳孝恭交通關節故有是命 五月二十一日
知建寧府洪邁放罷以求瓊花事故也 二十六日知
常州李結放罷以結去歲納苗加數折糲折麥無非厲
民合斛用斗尤為非理故也 二十九日新兩浙西路
提點刑獄公事胡堅常荆湖北路提舉平茶鹽公事曹
種並放罷以堅常昨為浙漕歲饑賑濟無策科擾紛然
常州乃其鄉里士大夫皆出米賑糴堅常富甲一郡而

不肯數出米種項宰都陽貸賂公行嘗為監司所按今

任湖北樁克狼籍故有是命 六月十三日知桂陽軍

趙善珪特降一官放罷以帥臣幸弄疾按其昏濁庸鄙

窠占軍伍散失軍器百姓租賦科折銀兩贏餘入已故

也 二十七日知漳州林椿知崇慶府錢徽之放罷以

侍御史黃洽言椿郡事廢弛多容親故擾政徽之暴忍

與飲汲汲求進故也 八月三日成都府路運判韓映

放罷以臣僚言論其沈酣于酒政以賂成民無所訴故

有是命 八年正月九日知成都府折知常特追五官

勒傳送汀州安置以黎雅蠻部作過知常棄城逃遁故

有是責 二月二十七日潼川府路運判王敦詩放罷

以敦詩專事苛刻任私喜怒昨將漕成都縱子弟親戚
交通關節故有是命 二十八日詔新福建運判趙師
垂主管台州崇道觀理作自陳以中書舍人施師點言
其倚勢作威願指州縣恐嚇細民彊占其田又彊付錢
本以責利息故令奉祠 三月二十七日提舉淮南東
路常平茶鹽公事陸游罷新任以臣僚論游不自檢飭
所為多越於規矩妻遺物議故也 閏三月六日知宜
州趙伯光永不得與親民差遣先是伯光與通判黃球
互論不法為漕臣梁安世所劾並放罷既而帥臣王卿
月勅伯光決遣非法狂醉之後執獄囚以弩射之故有
是命 二十四日知揚州趙介特降兩官放罷坐以人

戶契書驅磨妄加羅織科罰錢一萬五百餘貫故也
二十六日提舉江州太平興國宮吳淵特降一官以竦
寺達淵子渠證對蔡良弼公事故有是命 同日知黃
州錢衛之特降兩官放罷坐違法收稅為淮西總領葉
宏所劾 五月六日新知邵州徐植與官觀差遣坐嬰
疾之久也 二十九日知永州史倬特降一官以永州
違法收鹽袋錢倬任內因循不革故有是命 六月九
日提舉四川茶馬司吳總追一官放罷降充集英殿修
撰以臣僚言蔡州兆譽實由買馬凡蕃部鬻馬總所喜
者則不拘格尺而售之所不喜者則以格尺而沮之至
於良馬一疋取絹一匹次等取錢引二道誅求刻剝所

以激其不肖之心及官兵失利總急於成功乃以十兵
易十首邀功辱國罪莫大焉所為總屬官賞馬之際誅
求多為稔成過舉故有是命 七月三日前准西安撫
趙善俊候服闋日特降直徽猷閣轉運副使張士元特
降兩官初准西帥臣王希呂嘗借補張應侯文學令權
安撫司準備差遣欲作稱呼不曾奏聞後善俊等與應
侯虛作希呂曾委於沿邊撫存歸正沈移勸諭遣民墾
闢田畝勞效連銜奏聞乞與補正文學棘寺鞠應侯冒
官得實故有是命 十二日夔州路兵馬鈐轄向琪罷
新任帥臣李景享放罷坐夔州置造軍器稽慢 十七
日新知慶州錢仰之與閑慢差遣坐知江陰軍政以賄

成纖容子姪恣遊倡館親舊交通關節 八月十五日

知德安府張輝放罷以知江陵府高夔按輝年老衰憊

事無巨細聽決於通判秦仲泰仲天姿貪婪加以彊橫

迺並罷之 十六日前知建昌軍孔措降兩官知建昌

軍王師中與閑慢差遣以臣僚言措恣欲妄費師中不

能經理財賦故也 同日知吉州朱儋放罷以臣僚言

儋聚歛苛刻故也 十七日知濠州王回特降一官坐

濠州總首司宥同忠義人竄往外界故也 二十三日

知衡州趙彥恂知歸州林次融並放罷以彥恂苛取於

民及拘權魚利次融狠愎自恣不遵三尺故有是命

九月四日淮東總領兼權知鎮江府宇文子震特降一

官以丹陽縣饑民攘奪不即以聞故也 十一日宣教
郎王定國特降一官以定國冒改鄉貫陳請差遣大理
寺鞠得其實故也 十四日知洋州傅晞儉放罷以本
路漕臣按其稟資庸繆賦性貪汙羅織良民欲以其女
為妾開園榷酒規圖僦錢故也 十五日新湖北提舉
徐文紀罷新任坐未赴審察問輒以劄子陳乞在內差
遣故也 十六日知靖州廖遂放罷坐走失重囚故也
二十一日廣西轉運判官梁安世放罷以臣僚言知廉
州林自論廣西鹽弊詔安世禁止乃文過飾非輒肆欺
罔故有是命 二十四日新知台州任詔罷新命以言
者論詔超矣附勢貪汙剝剝故也 同日新知筠州應

汝勵與添差參議官差遣以其迫於年老精力弗逮也

二十六日知紹興府張子顏提舉江州太平興國宮

坐紹興水災不即差官檢放致饑民搶奪行旅故也

同日江西提舉趙廨放罷坐所部旱傷不恤多出官錢

修蓋廨宇故也 二十八日知信州劉甄夫知南康軍

兵諒夫並放罷以提刑趙焯劾甄夫年齡衰暮郡政無

綱紀諒夫天資狡狠交通貨賄且違法收稅故也 十

月四日武功大夫謝孝純降授武義大夫放罷坐典治

軍器無廉聲 十一月十四日知漢州雍有容放罷令

潼川府路提刑司根勘具案以間以四川制置使陳峴

按其貪黷姦穢不知恥故也 十七日湖南轉運副

使張棟新廣西運判韓茹知江州趙善悫並放罷侍御
史葛^卿論棟屢叨使節全無善政茹素無廉聲貪鄙尤
甚善悫稟資貪婪專事措克故有是命 司日前廣西
提刑廖遽特降一官以刑寺言蔣穆張騏頃年捕賊楊
朝章遽誣以誤執平人後朝章作過分明穆等乞改正
故有是命 十九日承議郎充龍圖閣待制提舉江州
太平興國宮趙粹中持落職坐知池州日失入鋪兵汪
青死罪 十二月一日知饒州趙公廣知徽州曹耜並
追兩官勒停以監察御史王簡劾其不恤荒政催科苛
急故也 二日右文殿修撰新西浙西路提點刑獄公
事辛弃疾落職罷新任以弃疾姦貪凶暴帥湖南日虐

害田里至是言者論列故有是命

十一日知德慶府

何浚明放罷坐知

柳州

州日專委館客交通關節虐用工

匠製造什物故也

十四日新知房州黃茂材罷新任

坐昨知興國軍專事苛刻故也

二十三日新知潭州

劉煒落職前知夔州李景孚退兩官勒停言者論煒驕

蹇凶暴昨帥廣西盜發所部自以為功常有矜色何偉

有守城之功而誣奏以罪巡檢黃懷德捕賊不職法寺

當以降兩官而煒擅行處斬景孚資稟殘酷凡遇民間

公事吹毛求疵稍有不承抵以重律間有論訴即置之

死地故有是命

九年正月十七日朝請郎宇文子震

特追兩官勒停坐任淮東總領兼權知鎮江府日妄用

錢物數多過例饋送故也 十八日知台州江見禮罷

新任以言者論其苟賤亡妄誕自肆昨知蘭州殊無

廉聲故也 二十五日朝奉郎知昌州黃國南朝請郎

知合州何正仲並放罷坐不恤旱傷為漕臣按劾 二

月十三日知信州李嶧罷新任以監察御史王簡言其

昨知衡州浙東提舉朱熹按其檢放不實嶧詭言與熹

有隙陳乞回避故有是命 十八日知潼川府陳升卿

放罷以言者論其昨在遂寧慘酷煩擾軍民交怨故有

是命 二十八日湖南運判陳延年湖北運判崔淵並

放罷以言者論延年為明州司馬日廣求材木擅役水

軍載歸其鄉淵昨任職事官趨附時相陵忽朝士凡虞

允文所為不合公議者皆淵贊之及除漕湖北挾帶商人舟船隨行營私廢法故有是命 三月十七日知黎州龔總放罷先是有張百祥者為大安寨將父子豪橫故犯法總奪寨將與其族弟百達因創造家計寨妻漢源縣令馮師心措置師心縱吏輩非理役使土丁又令百達將盜科買煩擾百祥父子乘此鼓衆作過故有是命 二十三日知施州張遇特遣五官勒停以其開通遣隘假借豪民譚汝翼兩縣勇敢八寨義軍令與夷人仇敵故也 二十五日前知漳州劉煒特遣兩官勒停先是臣僚論煒在任過例饋送要有支費至是知漳州李椿條具未上故有是命 四月一日朝散郎丁時

發特降一官罷官觀依前直寶文閣坐不能存恤饑民
以致流徙哀歛積聚數十萬緡為提舉何侑所按二
日知建寧府趙善俊罷新任以言者論其所歷州郡專
尚殘暴耗費錢物故也十五日新差知寧國府傅自
得差主管建寧府武陵山冲佑觀以監察御史王簡言
其屢汙白簡見居東南恃其唇吻却特州郡故有是命
十八日朝奉大夫知澧州張會特降兩官放罷以湖
北提刑江溥言天資很愎縱欲肆情故也二十四日
知和州王德政知信陽軍汪德翰並放罷以臣僚言德
政奉行荒政滅裂縱容吏輩為姦德翰貪鄙繆懦容庇
過淮盜馬人用賤價買所盜馬又以內地耕牛貸于境

外故有是命 五月十五日朝奉大夫知岳州趙善特
降一官放罷以漕臣劾其天資險狠黷貨無厭當旱歉
之際營造不急科擾屬縣復收買客鹽倍增市價均配
屬縣故有是命 二十九日知和州焦顯祖罷新任言
者論其苟媚不足以臨民故也 六月二日知信陽軍
汪德翰降兩官坐擅自雕板印造零會子行用故也
十二日知文州楊鎮差主管成都府玉局觀坐昏耄不
任事不能安輯蠻部故也 七月三日新差湖南提刑
高祚放罷以言者論祚寅緣扳援心術詭秘不安義分
所獲妄費殊無廉聲故有是命 六日江西提刑沈作
鵬與閭慢差遣言者論其性資懦弱略無舉刺故也

九日朝奉大夫知雷州黃克仁放罷特展三年磨勘永
不得與親民差遣先是克仁與通判吳竑各於供給錢
外請過油燭月會錢且預借支數月竑憤其不均先是
克仁亦自首納為帥臣劉燁所按本路鞠得
其實臣僚繼論故有是命 十三日朝奉大夫知衛州
沈密一降一官坐擅借充常平義倉米給官兵俸料
十六日知汀州呂大猷差主管建寧府武夷山冲佑觀
理作自陳以漕臣按其昏耄權歸掾吏獄訟淹延故也
淳熙九年七月十七日四川制置使兼知成都府陳
峴放罷以侍御史張大經論其結納趨附貪墨無厭使
二子為遂寧潼川酒官初未嘗往蒞職虛破請給及以

宗人作諸郡說書名目妄支月廩壻趙汝應見為茶馬
幕屬憑恃橫恣所辟幹官吳禮乃嘗以賊敗峴倚為腹
心表裏交通為蠹滋劇故有是命 二十三日新差知

秀州李結依舊宮觀以言者論結奉祠近及一年未應
有此除授故也 八月五日知夔州休秉落職放罷先
是夔路豪民承信郎譚汝翼與恩州人田祖周各相挾
怨遂致肅聚帥司各捕作過人而汝翼聚兵謀攻奪一
城已而當陣躍馬潛走只捕獲家屬徒伴送夔州獄根
勘處斷汝翼詣行在進狀訴秉曾受祖周金省劄備坐
其事下夔州索案看定秉恐允徒得計親書奏狀繳回
省劄仍辯析其事詔以秉擅格上命故是責之 八日

新淮東運判趙思放罷以言者論其奉使辱命已遭錮
黜今復處之要衝之地重為國辱故也 十四日知施
州吳拯放罷知封州李球罷新任以臣僚言拯凶暴貪
殘跡跡齷齪庸獍故也 十七日知台州唐仲友放罷以
浙東提舉朱熹按其催科刻急戶口流移故也 十九
日新差知隆興府韓彥古再任宮觀一次以言者論其
凶暴無常穢行昭著屢遭白簡愈不悛改故有是命
十月五日新知漳州張淵放罷以侍御史張大經論其
傾邪險薄昨知隨州妄作殘暴故有是命 六日廣東
運副王賅差主管建寧府武夷山冲佑觀以侍御史張
大經論其累厯憲漕繆儒失職殊無廉稱故也 十日

知興元府王敦詩罷新任依舊宮觀以言者論其得祠
未幾遽有此除違已降詔肯故也令奉祠 二十七日
知廬州蔡憲與官觀差遣新知壽州趙絳別與差遣
以本路帥漕按憲天資苛刻違法擾民絳貪鄙無厭故
有是命 十一月三日知鄂州姚述堯罷新任以重僚
言其天資很暴喜怒忘發濟以姦貪專事欺誕故也
十二月九日知劔州張瑱放罷以瑱與通判呂符璣論
在職侵欺官兵錢物入已迺並黜之 十八日知房州
陸同差主管建寧府武夷山冲佑觀以言者論其年老
昏耄故也 同日知南劔州沈維放罷言者論其貪冒
營私政以賄成故有是命 十年正月十九日福建運

判趙師垂罷新任以御史中丞黃洽言師垂鄉者曾有
此除已為言者駁奏乞止與郡故有是命 三月一日
夔州路轉運判官張續放罷以言者論其傾邪躁進始
至夔州見帥臣李景孚暴刻有意治之景孚啗以厚賂
更不復言及罷去續攝帥事縱豪民譚汝翼與田祖周
連年相攻擅生邊釁又受囑託牒汝翼為施州監當致
汝翼擅自點集官軍民兵互相讎殺邊民不勝其苦故
有是命 八日成都府路轉運判官虞似良放罷以言
者論其志趣卑劣所歷之官並無善譽其在成都遣人
遍求古石刻職事不修故有是命 同日前四川制置
使陳峴特降一官坐為四川制置日監作院任均駐洵

兵馬監押高進不曾到官勘支請給填進已各錫官罷
黜峴已放罷故亦錫一秩 三月十七日知黃州商份
放罷以漕臣趙師揆言份虛張和糴米價故也 二十
三月知吉州詹元宗別與差遣以諫臣言其彊敏不足
勤於撫字而短於剖裁故有是命 二十七日知南劍
州沈維降一官坐比較淳熙九年拖欠未發上供錢最
多故也 二十八日新知無為軍黃倬罷新任臣僚言
倬偶緣招降茶寇例受釀賞復有高郵之命居鄉驕肆
憑恃資力與民爭利不顧孝養專意自榮故有是命
同日知連州劉煇放罷以臣僚論其專務掊克略無善
狀受納苗米多取斛面將出剝撥入常平倉支破價錢

以充妄費交通關節變亂黑白故也 四月十八日差
知連州趙善括罷新任言者論其輕浮不靖忌刻而暴
不宜復畀以郡故也 二十二日新知南劍州丁逢新
知辰州胡介並官覲以言者論逢儼薄浮躁安豐之政
固嘗見於白簡矣介驕驤輕脫頃守光州惟務酣燕聲
望不足以鎮撫軍民致生事端故俱奉祠 五月八日
新知峽州鄭人傑放罷以侍御史劉谷瑞言馴僇下材
本由給使補官徒以利口高貲諂事權勢寢齒仕版所
厯州郡專為身謀不恤民事故有是命 二十五日承
議郎知南劍州林元喬罷新任監察御史陳賈言其知
江陰日專事殘刻流毒一方及其母止出廳治事如故

將倉庫出剩及應干贓罰錢席卷無餘及歸福州苒建
大第凡買竹木輒戕之屬多不償直故也 六月二十
三日朝奉郎知郴州趙汝亦降兩官放罷以本路帥漕
按其非法科歛故也 七月十二日新除江西提舉余
童福建提刑王德顯並與州郡差遣以言者論童居鄉
干擾待次蘄州輕出文引致其部封之內有所規圖德
顯結托之外未見其長平日所為多是牽制不能自立
故有是命 八月二日知邵陽軍潘才卿放罷以右諫
議大夫張大經言其先守澧陽奢僭自肆日事燕飲妄
作尤甚故也 同日知渠州史似放罷以帥臣劾其賦
性狡險為政酷虐故也 二十七日敷文閣直學士中

奉大夫知紹興府王希呂差提舉隆興府玉隆萬壽宮
以言者論其剝下干譽故也 九月十一日新和鎮江

府張子顏與在京官觀言者論其觸事乖繆已試無狀
黃緣結納妄希寵任故有是命 十三日中奉大夫充

祕閣修撰知婺州錢佃特降一官坐軍兵喧闐佃既獲
為首人不能盡法行遣故也 閏十一月九日提舉江

東常平袁樞與州郡差遣以臣僚言樞傾邪狠愎初任
中都謫事宇文子震薦之時宰遍歷清華平時造請無

非權勢故有是命 十二日朝散大夫知南雄州吳輝
降一官以其背公營私專意聚斂為提刑但中庸所勅

十二月九日知潼州府王敦詩與官觀差遣以右正

言蔣繼周言敦詩從事醫術諛媚上官私任喜怒叱咄
僚屬交通關節貨賣舉狀屢汙白簡故有是命 十一
年正月二十八日新知肇慶府李光邦罷新任以臣僚
言光邦昨知岳州酣飲暴虐數月之間狼籍萬狀乞寢
新命故從之 四月二十四日新湖南提舉楊興宗別
與差遣以言者論興宗知處白州日政無可紀唯事貪
饕濟以暴虐故也 五月七日知汀州趙不戒放罷以
言者論不戒居家不肅居官不治故也 二十九日詔
中大夫右文殿修撰吳援特降充直寶文閣罷官觀以
金州去歲旱傷細民闕食守臣既不能存恤又不即具
奏遂致流徙頗多顯屬失職故有是命 七月十五日

知常州張孝賁放罷新知常州陳文中別與郡言者論
孝賁倍克侵漁營辦緇橐後政文中年踰七十精力不
逮故有是命 二十四日知容州韋啟心特追兩官勒
停先是啟心輒差都吏置場減剋糴米多量斗面其民
不堪幾欲生事致帥臣詹儀之劾之故有是命 二十
六日知濠州吳襄放罷以襄在任不法故也 同日前
知澧州趙鼎特降兩官以湖北提舉潘時言鼎臨行數
月之間輒將常平錢金銀盡行移易互用故有是命
九月六日新除知建寧府曾逮差提舉隆興府王隆萬
壽宮逮為刑部侍郎以子榮作縣為人所訟事下大理
引嫌請祠除待制知建寧府言者因論其無義方之訓

諸子所至挾勢敗法乞罷新除職寢知建寧指揮改昇
外祠從之 十六日新除知常德府王漬差主管建寧
府武夷山冲佑觀臣僚繳奏漬貪詐不法兩為監司所
劾三為臺臣所彈乞賜寢罷故從之 同日知吉州張
元成放罷以州兵作鬧不能彈壓本路要撫按奏故皆
罷之 十三日知廣安軍尹商參知昌州楊已千並放
罷皆以根究公事不當為本路潛臣按奏故也 十月
十日知信陽軍忠訓郎閣門祇候孔異降兩官放罷本
路帥臣言異違法科擾畧不賑卹致令邊民走過北界
故有是命 十一月一日知全州趙裔特降一官本路
帥臣林栗言全州有配隸人潘興盜甲仗庫兵器逃走

已復而守臣不從軍法施行乃縱放之故有是命 五
日知衡州趙師垂放罷言者論師垂逞才恃氣倚勢作
威專尚梧欽乞罷黜與閑慢差遣從之 二十四日知
富順監黃裳新知龍州王居中並放罷制置司按察聞
華老悖居中所至專以販鬻為事故有是責 十二月
十四日知襄陽府王卿月放罷以言者論卿月自膺委
寄初無經畫唯以燕飲朝夕自娛迄違擇有威望善經
理之臣往代之故有是命 十五日新知饒州廖遠罷
新任言者論遠頃任廣西提刑不能制禦盜賊肅清所
部縱釋海寇楊朝章等致令在海為害不已乞寢罷新
命詔從之 二十五日宇文子震罷祠祿令遂寧府居

任以四川制置使留正劾其縱令二子騷擾細民故也
十二年正月五日降授成忠郎閣門祇候孔異特降
降兩官以知信陽軍日透漏過淮人故再降兩官 七
日兵霖特降一官時霖任潼川漕以體究漢州雍有容
在任不法事稽緩而有是命 三月二十六日知施州
姚槩特降一官坐奏報違慢也 同日知太平州陳騤
放罷以言者論騤曠弛不職飾詐近名故也 五月一
日知郴州趙不伐放罷以本路監司奏劾本州遺大不
行賑救刻剥百姓故有是命 七日新除江東轉運使
丁時發罷新任先是時發除江東憲未上改除湖北運
判為言者所論奉祠至是言者復論其狠愎殘刻乞賜

罷黜又從之 十四日知潮州張季樗放罷以本路漕
臣奏劾故也 二十七日胡與可罷知鄂州臣僚繳奏
與可謾慢結托徇己要功乞別選忠實廉正之士以慰
公論改寢新命 六月十六日知復州朱思與宮觀差
遣初本路按思不職乞罷黜 上曰朱思只是心疾別
無他過可與宮觀仍理作自陳 二十四日知黎州田
世雄放罷先是利路轉運判官范仲圭按世雄乞罷黜
上曰世雄所為却如此今既差知黎州可但降一官諭
以今方委任未欲重作施行之意既而臣僚繳奏上曰
繳章不須行出只坐仲圭所奏放罷仍別擇一人往黎
州 同日知廣州鞏湘差主管建寧府武夷山冲佑觀

官字下脫
仍展一期叙
以備差走田減
累考之二月
曾知南王軍
蔡興仁特降
兩官

言者論湘凡所居官畧無可紀憑信摧鋒軍準備將莊
質交通關節擾邊生事故授祠命 七月八日主管成
都府玉局觀玉質特降一官質寄居興國軍永興縣知
縣伯彬訴質陵鑠辱罵乞尋醫回避至是帥臣備奏上
之故有是命 二十三日新差湖南提舉李棧罷新任
言者論棧貪汙故罷之 同日太府少卿總領淮西江
東軍馬錢糧趙汝誼武功大夫建康府駐劄御前諸軍
都統制郭鈞各特降一官仍展一期敘朝請大夫淮南
路運判兼淮西提刑黃永存朝請郎知和州張士儋各
特降兩官以鞠獄稽緩故有是責 九月八日趙善志
展三年磨勘葉子建降一官展二年磨勘知秀州王詞

奏本州有拖欠上供錢係前政積壓乞許每月量行帶
納其牢執其善悉欠二十八萬緡子強欠四十萬緡故責
之二十五日前知縣州吏祁特降一官祁得替之日
以本州現在厯尾錢指為羨餘獻總領所希求薦舉故
責之同日知紹興府鄭丙提舉江州太平興國宮言
者論丙優於在朝而劣於治郡乞與宮祠理作自陳故
有是命十月五日兩浙轉運判官錢冲之浙西提刑
劉頴並放罷言者論冲之頴為監司無狀不可以付之
畿內將漕按刑之節乞並賜罷黜故有是命同日知
潮州劉藻降兩官放罷言者論其在任專事筵宴庫帑
告竭身為郡守不禁宰牛故有是命十一月六日知

常州豐誼放罷以兩浙運判趙不流提舉常平石起宗
奏誼治郡無狀刑獄淹延故也 十四日知台州熊克
放罷以浙東提刑趙公碩提舉常平岳甫奏克在任縱
容軍人盜販私鹽凡改刺軍人私取緡錢不遵法令故
有是命 十三年正月二十二日知秀州王訥放罷初
訥以部民周舜卿等結集徒黨傳習妖教追勘籍其家
財既而舜卿同黨周世恭等詣臺聲寃監察御史陳賈
為言於是移獄棘寺具案來上謂舜卿等止係喫菜念
佛即非傳妖事魔賈因按訥不能辦集財賦而奪平民
之財加以罪乞賜黜責故有是命 二月六日知隨
州林自特降一官京西漕臣按自不循法令桀暴無辜

至死於獄故有是命 三月二日新知均州丁常任新
知江陰軍胡介並罷新任言者論奏常任與介居鄉無
善狀涖官無能稱乞罷黜以示戒懲從之 二十二日
詔前知漢州賈偉黜貨欺罔可追三官勒停先是偉對
言荆鄂統制掎剋勞役官兵得旨令湖南運判張抑體
究至是體究來上軍中無減剋勞役之弊而都統郭杲
迺言偉嘗賣川布三千匹與軍中以價高不為收買事
故有是命 二十四日知洋州李師夔差主管成都府
玉局觀以利賂提刑李大正言師夔刑獄淹延乞與祠
祿故有是命 二十八日新知欽州王宗仁罷新任以
廣東帥臣滿時泰宗仁任本路水軍統領縱容所部訓

練官張演等在海作過脫放賊人奪取贓貨故也 同

日新知台州王曉罷新任言者論曉年已七十昏繆尤甚不量衰憊冒紆郡紱故罷之 五月十六日知吉州

本待問罷新任以言者按奏待問天資澆薄前為當塗不務節省故也 同日夔州路分趙滋罷知茂州言者

謂滋稟賦姦偽邪穢無行乞賜罷斥改畀守臣之賢者以惠遠民從之 同日知瀘州史臯放罷言者論臯年

踰七十筋力弗任苛刻害民昏繆害事乞並賜罷黜故有是命 六月七日直龍圖閣主管建寧府武夷山冲

佑觀輦湘降充直顯謨閣以廣東提刑司奏勘莊質等將已受招諭賊人擅行殺戮湘所申失實故有是命

七月六日浙西提刑勾昌泰放罷先是平江府守臣何萬按司理曾煇鞠憲司送下公事稟承昌泰私意觀望失實昌泰上章奏辯言者謂其巧誣彊辯論罷之閏七月二十二日知衢州沈祖德罷知平江府新命言者論祖德天資小人挾以浮躁傾險三術未終遽昇以吳門之寄衆論沸騰乞寢新命從之尋復奏既罷新任不當尚冒延閣之寵落直敷文閣八月三日胡仰罷知岳州差主管建寧府武夷山冲佑觀言者論仰傾任湖南提舉職汙狼籍為漕臣黃洧按發獄未竟而洧適死二年不決後以章疏落職罷任今既復其職又與之郡則人將何所懲故授祠命七日朝奉大夫提舉福建

市舶滿冠英降一官以發納犀角象牙多短小不堪用
故有是命 十七日知臨安府張杓特降兩官以府治
遺大杓上章自劾故也 九月十五日知達州馮儼放
罷本路按撫庸懦匪材政事廢弛縱容吏僕交通闕節
等事上曰馮儼先次放罷若勘到有入已又當別有行
遣 十一月十三日新除湖北提舉王鎮放罷仍與祠
先是知衡州劉清之引詔書薦鎮安恬自好知之者少
遂有湖北之除既而言者論其昏繆故寢之 十六日
知江州趙師垂罷新任言者謂九江平陋師垂多索送
兵儀物人情囂囂故罷之 二十三日知均州張昌詩
特降一官言者論均州歲進貢銀七百兩緣極遠本非

產地往往運米麥於金州回易起發每米一斛得銀一兩歲以千斛為一綱足充進貢昌詩兩年之間起四綱而米麥至五千斛皆由官吏乘此附帶回易科差人船民被其擾至是昌詩坐守臣不職之責二十六日知台州朱儋知鎮江府蓋經並宮觀言者論儋頃知吉州亮聲虐焰肆毒一郡今在天台慘酷之狀不減乎前經貪汙狼籍衆所共傳頃者總領淮西酣飲無度今任京口凡前守撫恤之政一切更張乞並罷見任與祠從之十四年正月十一日提舉福建市舶潘冠英放罷言者按其苛歛誅求誘致無術蓄商海舶畏避不來故有是命十九日新知隨州林頴秀放罷臣僚繳奏頴秀

天資狠愎頃宰永康政以賄成乞寢隨州指揮別與合
入差遣從之 四月三日知潮州黃杞放罷言者奏杞
將益折與軍人拘其請俸人戶舊欠雖經赦放亦皆不
免是以兵民不遑寧居故有是命 三日知太平州王
希呂放罷言者按希呂將累政所積恣用無度公帑一
空乞賜罷黜免為州郡侈汰之唱故有是命 十一日
前知澧州石如璵特降一官以如璵拖欠淳熙十一年
分上供錢故有是命 二十六日知廣德軍陳文璉放
罷言者論文璉天資庸鄙謬政流聞橫肆科歛使民怨
嗟故有是命 五月十二日知普州王蒙降一官放罷
以本路按蒙殘酷故責之 七月十四日知建寧府程

大昌放罷以言者論其天資狠執且乏廉聲軍人衣賜
支散不時致令陳狀諸邑輸苗過期不受抑令納錢專
為貪暴物論殊駭行乞錫罷故有是命 二十七日主
管佑神觀李棧罷祠祿以言者論其寄居烏青武斷豪
橫有鎮戶訟棧家索錢鬪毆鎮官盧洵方行體問棧則
遣僕捉承行人暨臨安府府牒鎮追人棧與男叫集僕
幹行打承行胥吏悶暈幾死乞賜錫罷故有是命 同
日利路運判范仲圭放罷言者論其昏眊貪鄙專事括
克一路騷然人不聊生乞賜黜責故有是命 九月十
二日知饒州趙伯溥降一官以本路漕臣言其拖欠上
供錢物萬數浩瀚有誤經費故也 二十七日權發遣

永州朱自求降一官以湖南提舉趙像之奏自求在任
不恤饑歲違法將人戶合納絕絹三倍折錢及科催積
年苗米故有是命 十月七日知處州彭椿年降一官
以兩浙運副鄭汝諧言本州荒歉財計闕乏拖不官負
軍兵請給三箇月無以支散椿年有失措置故有是命
十一月四日前知廣州鞏湘差主管亳州明道官言
者論湘前知廣州差王彥邦等權攝職事容縱違法折
換簿書收匿文憑賒買度牒侵盜銀兩事既敗露藏匿
不出及置勘官司悉皆改除而湘遂以獲免乃敢叙述
在廣四年指為勞效干求差遣其為欺罔無所忌憚乞
賜黜責故有是命 十二月四日知漢陽軍孫係放罷

以荆湖北路提舉薛伯宣奏僚裒哀懦不立偏信黠胥等
事故也 二十一日知長寧軍郭公純放罷以四川制
置使趙汝愚按其不支戍兵食錢致庫卒公然上廳毆
擊人吏公純略無彈壓故有是命 二十五日新知邕
州王侃放罷以臣僚言其所至酷虐累典郡邑居官無
狀故也 二十七日江西提刑馬大同放罷言者論其
天資殘刻濟以私意凡受民詐不問輕重不究虛實徑
送鄰州屬郡奉承株連經年率多瘦死今江西十一郡
處處興獄狴犴充斥積成怨怒上干陰陽乞賜黜責從
之 同日知衡州劉清之主管華州雲臺觀言者論其
以道學自負於吏事非所長財賦不理倉庫匱乏又與

監司不和乞與宮祠從之

十五年三月八日新知峽

州程渭老罷新任言者論其天資忌刻蹤跡詭秘徒以

利口濟其私欲乞將新任亟賜罷斥故有是命 四月

二十一日兩浙運副趙不流降一官言者論不流應辦

高宗皇帝梓宮開闢遲緩幾致悞事故有是命 二十

四日新知筠州韓元老罷新任以言者論其無修潔之

行有貪汙之跡乞賜罷斥 二十五日新知鄂州吳總

差提舉隆興府玉隆萬壽觀言者論其已試亡狀必不

能撫綏斯民仰副委寄之重乞亟賜寢罷故有是命

六月十三日權知江陰軍侯彥準展二年磨勘以開濟

橫河具折違慢故有是命 十八日江東運副沈揆知

太平州余端禮並與宮祠以因事不協互有論奏故也
其後詔揆端禮酒後忿爭有失事體並罷宮祠 十九
日新知德慶府留洪罷新任以言者論其昏繆庸鄙賊
汙狼籍頃嘗通判福州侵盜官錢故也 十月十日知
嘉州張伯垓降一官罷本路運判新任提刑吳宗旦放
罷四川制置趙汝愚言伯垓為政苛急于弟親隨干預
政事交通貨賂暨陞本路運判逐兵方到親隨數人遽
執牙兵司係縛箠打一路聞其先聲無不驚恐乞賜罷
黜從之宗旦置司所在與之連姻全不按判故並責
十五日權知漢陽軍趙汝明差主管台州崇道觀以湖
廣總領王尚之等奏汝明年老昏懦財賦之權委於公

吏以致官員請給及諸軍月糧並皆拖欠乞改差宮觀
故有是命 十七日知資州李如晦知隆州宋邁並放
罷知西河州張亨與閑慢差遣以言者論如晦所至仕
官鮮有廉聲邁性資闊茸背公營私亨智識暗昧觸事
面墻故也 二十六日新知信州姚述堯主管亳州明
道宮以言者謂其貪有實跡乞行寢罷故也 十一月
十六日澤州刺史知襄陽府熊飛放罷言者論其輕儇
浮躁貪黷苟且不恤過備偷盜官錢恣意妄用臨事疎
率乞行錮黜故有是命 十六年正月十一日潼川提
刑劉伯虎浙東提刑趙不違並放罷言者論伯虎貪汙
殘忍累典州郡居官無狀不違向知江陰背公營私絕

無政事並乞罷黜故有是命 二十四日朝散郎權發
遣大寧監趙公黻放罷言者論其賦性庸凡擇術卑下
專造工巧之器以為結託之資財賦滲漏民訟淹延乞
行罷黜故有是命 淳熙十六年二月十三日詔新知
榮州蒲果改差充夔州路安撫司參議官以四川制置
使趙汝愚言果昨守忠州全不事事一郡之權盡歸於
僚屬今若使之冒昧必致曠闕故有是命 同日詔知
金州秦嵩落選郡令解官持服以四川制置使趙汝愚
言嵩昨在黎州日常遣土丁入番界採撫脂木以為什
器遂為青羌所執者五人致死者二人今任金州遣人
於黎州販賣金珠未嘗以遣事為意貪汙狼籍故有是

命 十四日詔承議郎直祕閣田謂落職以本路提刑

司允實謂縱容子姪換販私鹽故也 十六日詔前知

揚州熊飛特除名勒停送撫州編管先是知揚州鄭興

喬言飛妄用官錢以空函饋送入私家以數萬計棘寺

鞠寔引赦原減故有是命 二十四日詔淮南運判無

提舉常平措置屯田方有開遂非犯分降三官放罷先

是有開創興屯田議者言其擾有旨別與差遣復入奏

自辨語侵執政故也 三月六日詔知盱眙軍葛揆降

兩官及漕臣朱佺並放罷以淮東安撫司寃寔換買低

茶轉賣公庠錢入已及透漏銀兩過河佺失于覺察故

有是命 十五日詔知台州沈作賓放罷以言者論作

賔輕僇狡獪嗜利躁進故也 二十六日詔趙不沅罷
宮祠以臣僚言不沅昨尹京日陰賊陰狠附麗交結撓
政害民既遭論列於章疏未付出以前徑入劄子自請
奉祠忝冒天聽故有是命 四月十日詔知宜州黃民
瞻放罷以廣南運判朱晞顏言民瞻稟性貪恠賦資苛
酷故有是命 十二日詔知索州黃瓌放罷以江西運
判劉頴言瓌以進貢為名科擾屬縣故有是命 二十
一日詔新知漢州胡瓌放罷以本路提刑楊安誠言瓌
前知恭州性資貪鄙巧於彌縫為政煩擾故有是命
五月七日詔知光州王德顯放罷以處事乖疎故也
十三日詔文思院提轄官程鉉監官常良孫趙誼監門

官郭圭張謩各展二年磨勘以文思院上下界專庫作
頭許守中等造作偷盜金銀作弊臨安府根究其業來
上故有是命 十八日詔訓武郎魏庭珂特降一官坐
不合進狀狂妄故有是命 二十三日詔特添差舒州
通判權州事趙不迺通判舒州軍州事邊維八並放羅
以淮西運判王厚之論二人盜過同安監鐵錢以數萬
計故也 閏五月四日詔監登聞檢院詹承宗降一官
放罷以臣僚言每遇朝參國忌託故請假事屬不恭故
也 六日詔新添差臨安府通判柴國器罷新任以臣
僚論國器素無行檢貪恠苟賤故有是命 十二日詔
朝奉大夫韓枋奉直大夫江瑞差主管建寧府武夷

山冲佑觀以言者論拊兩為郡倖賊汙狼籍瑞守汀州
貪墨尤甚不可典州故有是命 十九日詔權吏部侍
郎趙思著作佐郎劉崇之並放罷前祕書丞沈清臣降
兩官直寶文閣知襄府錢之望降充徽猷閣以言者論
思貪鄙無狀常奉使辱國崇之清臣皆無行檢之望已
試無效故有是命 二十七日詔知施州趙定放罷永
不得與知州軍差以四川制置使京鏜言定守郡不法
罪惡貫盈故有是命 六月十二日詔新除大理寺丞
沈維與宮觀添差衢州通判龔準放罷以言者論維貪
冒營私不顧廉恥昨守南劍日縱容子弟交通關節般
販私鹽屠牛開醢醜穢狼籍準頃為大理評事狼復自

肆多行無禮同輩受其凌侮刑獄文書率意予決乃求
添差以避譴逐今得傳伴三衛故態復肆故有是命 十
六日詔揚州通判元伯涇追毀出身以來文字除名勒
~~傳~~永不收敘以守臣鄭興裔言伯涇到任起發綱界同
衛繫書外收支不令臣同共判押輒置私厯侵欺盜用
入已棘寺鞠實故有是責 二十二日詔權禮部侍郎
尤袤與郡以言者論袤兼翰苑詞掖史館經筵疎曠
失士論不服乞賜罷黜故有是命 二十四日詔提轄
文思院程鉉放罷以臣僚論鉉前任饒州樂平縣日率
意妄作百里被害今乃處京局自茲以往便可為郡守
監司必恣谿壑之欲肆虎狼之行為民巨蠹故有是命

同日詔知嚴州錢開詩放罷以言者論其癯老疾病
郡事廢弛故也 二十七日詔王謙罷召命依舊知吉
州未待問與祠以臣僚論謙不可入處朝列待問不足
任牧守之寄故有是命 二十九日詔趙汝應追兩資
勒停送南康軍居住改送勤州居住坐上書狂妄挾私
逞忿攻訐大臣故責之 七月十三日詔步軍副都指
揮使梁師雄放罷以臣僚言師雄管軍殊無紀律營運
錢物多行人已故有是命 二十七日詔新知南康軍
鄭熊黃倬放罷以臣僚論熊當官權出吏胥倬情不知
書故有是命 二十九日詔新知階州李師夔放罷以
臣僚言師夔朝辭經月方出國門違戾典憲故也 八

月六日詔知建寧府高州刺史韓侯放罷以福建路要
撫司言侯不顧法令用刑慘酷訊決過多殺死無罪者
二人故有是命 十四日詔知漳州沈樞放罷以言者
論其平日貪鄙老而益甚今在漳州嗜飲喜奕日以為
常民訟吏牘漫不加省故有是命 十七日詔新知潭
州應咸密新知興化軍常祿並放罷以言者論咸密性
質庸俗濟以貪饕前倅臨安公受闕節祿曾為寧國丞
及湖倅並無廉聲士夫所鄙故有是命 二十四日詔
福建路轉運判官沈作礪與閑慢差遣湖北提舉常平
林岳罷新任以臣僚言作礪岳風采無聞是非莫辨年
又已老不可復乘輅傳故有是命 九月八日詔知南

劍州王楫特降一官官觀坐本州居民遭火延燒官舍
楫自劾治郡無狀招此天譴故有是命 十九日詔知
信陽軍梁揚名降兩官放罷以湖北安撫司言揚名遣
政無術專事酷虐故有是命 二十七日詔新知南劍
州張季禔罷新任以臣僚言季禔嘗為潮州政以賄成
好行陪覓也 二十八日詔新知秀州趙善義放罷以
臣僚言昨獻言欲移許浦屯兵於姚劉沙衆皆指為妄
作既而朝廷就委自行相度乃倉忙失措經營脫免故
有是命 十一月十一日詔知彭州趙善據降兩官放
罷以四川安撫制置使京鏜言善據嗜利無恥為政昏
謬縱容諸子干預部事又令私僕冒請禁軍衣糧凡遇

支遣減尅軍糧幾致生變故有是命 二十一日詔知

信州莫漳知均州黃牧之放罷以言者論漳闕報失實

動於浮言牧之失於舉集人心已搖先是各錫一秩既

而復有此命 二十八日詔禮部郎中陸游大理寺丞

李端友祕書省正字吳鎰並放罷以諫議大夫何澹論

將前後屢遭白簡所至有汙穢之迹端友凡所歷任略

無善狀鎰輕薄浮躁專以口吻劫持為事故有是命

十二月八日詔知成州天水縣張孝友特降兩資放罷

知州崔士威特降一官以本路帥臣吳挺言孝友非時

催料追擾不能撫存致人戶逃竄北界士威有失覺察

故有是命 十日詔閤門看班祗候張準放罷坐匿服

觀字脫
以言者論善
任光泰佐交
結故有是命
十七日詔主官
建寧府武夫
山冲佑觀

供職故也 十三日詔新知常州趙善括時佐並差主
管建寧府武夷山冲佑觀湯思謙特降一官放罷先是
思謙昨任湖北提刑信陽軍島販銅錢公事已得情寔
不合輒行移獄故有是命 二十六日詔知衡州鄭如
憲放罷以本路漕臣奏如憲於總領所合解大軍糧米
輒憑奏檢固拒不解於法合行給還民間之錢輒貪利
不顧橫欲拘沒故有是命 三十日詔知廣州黃萬頃
知昭州孫質並放罷內黃萬頃特降兩官以臣僚論萬
頃天資貪鄙專事苛刻違法賣鹽採珠二事尤為民害
質素無廉恥所至賦汙故有是命 紹熙元年正月二
十日詔常州通判汪擇善放罷以本路提刑袁說友言

其昏眊貪

謬觸事無能

懷郡政故有是命

二十二

日詔觀察使浙西總管耶律适哩子浙西總管忠額外

統制官愿各與遠外一等差遣以言者論其父子天資

殘忍禍及同氣且復貪求無厭使之並在輦轂之下誠

非所宜故有是命 同日詔通判常州汪擇善持降一

官鎮江府節度推官趙伯方並放罷以言者論擇善為

本州監試略無關防縱容吏姦毀匿名譽舉人卷子伯

方為勘官縱容罪人謬言差誤乞並賜罷黜故有是命

二十六日詔嚴州通判沈戢常德府通判黃謙新廣

德軍通判薛襄新潭州通判鄭順孫並放罷皆以言者

論其貪殘故也 二月七日詔知吉州王謙差主管建

寧府武夷山冲佑觀以本路提刑鄭汝諧言其天資狠
傲動多實怨無近中風眩難任郡寄故也 十一日詔

知饒州樂平縣王裴放罷以都大提點坑冶鑄錢宋之

瑞言其天資陰險專事唇吻便移木炭錢運狼不解故

也 二十三日詔知秀州華亭縣柳楸差監潭州南獄

廟以本路安撫張杓言其日赴所部燕飲恣為大言陵

轅州郡故也 二十七日詔閩門宣贊舍人成彥昭降

一官坐應奉垂拱殿贊禮有差故也 同日詔新浙東

提點刑獄史彌正差主管建寧府武夷山冲佑觀以監

察御史林大中言其天資貪婪怙勢驕橫今為本路監

司必致撓政擾民與祠祿故有是命 二十九日詔鎮

江府添差通判趙希曾黜檢所主管趙汝劼並差主管
台州崇道觀理作自陳並以言者論其貪暴故也 三

月二十一日詔吏部郎中陳揚善放罷以監察御史林
湜言其任秀州日為別厝拘收倍稅牙契錢及本路憲

司委官審寔乃與州吏匿所置別厝却以他厝指改色
目旋撥成抄轉減落緡錢凡十餘萬也 四月十五日詔

吉州駐劄東南第六副將陳權放罷以本路帥臣黃洽
言其決罰苛酷軍情不安遂至兵卒出城生事乞賜罷

黜故有是命 五月二日詔知漢州什邡縣李譔放罷
以守臣宇文傑言其不法憲民故也 同日詔寧武軍

節度使開府儀同三司判潼川府衛國公食邑一萬一

百戶食實封肆仟壹百戶趙雄錫食邑二千戶降郡公
新權發遣融州鄭易特降兩官新知建寧府范處義特
降一官以劉壁貪敗並曾薦舉故也 四日詔衡州通
判張祖順放罷以本路提刑范仲藝言其違法貪黷故
也 六日詔無為軍無為縣穆潭巡檢唐延慶放罷以本
路帥臣趙鞏言其擅受人戶白狀差土軍越界追呼妄
亂生事故也 七日詔殿前司選鋒軍統制張國珍降
一官坐不鈐束本軍額外効用孫靖等以致欄丞相轄
陳狀乞添請給故也 十六日詔知光州趙希仁展二
年磨勘以本路帥臣趙鞏言其擅行團結民兵略不申
知本司也 二十二日詔大理評事胡僅史彰祖並與

在外合入差遣坐臣僚言其雖試中法科實不曉大義
故也 同日建康府駐劄御前水軍統領張平降克石
軍不管事正將坐縱容白直人偷斫山柴及擅離本軍
故也 二十四日詔新除都大提點坑冶鑄錢趙善悉
罷新任以言者論其素無賢譽專事交結今為衆司必
且妄用銅本妄行舉辟故也 二十八日詔太學博士
林欽放罷以言者論其廢公營私貪冒苟得故也